

五代史記注

五代史記卷第六十中

廬陵歐陽脩撰

徐無黨原注

南昌彭元瑞注

劉鳳詒排次

職方考第三

岐

岐鳳翔

有

有

有

有

太平寰宇記州境東西一百八十五里南北三百八十九里東至東京一千五百八十里東至西京一千一百七十里東至長安三百一十九里南取大白山路至興元府六百里西至隴州一百五十里北至涇州二百六十里東南至京兆府界一百七十五里西南至鳳州二百四十里西北至涇州三百里東北至邠州二百二十里土產龍鬚席貢蠟燭貢盤屋縣後唐同光元年割屬鳳翔文獻通考鳳翔府後唐以清水屬秦州隴

岐

有

有

有

有

太平寰宇記州境東西二百里南北四百五十九里東至東京一千七百五十里東至西京一千三百二十五里東至長安四百六十五里東至鳳翔府一百五十九里南至鳳州山路四百三十六里西至秦州三百四十九里北至涇州一百六十五里西南至秦州界一百一十里東南至鳳翔府界一百六十里西北至原州界一百八十里東北至涇州一百六十里 太平寰宇記儀州本西戎之界秦隴之地鳳翔之邊鎮後魏普泰二年築城置鎮以扼蕃隴之路唐為神策軍後唐同光元年改為義州周顯德六年置華亭縣於州郭宋改為儀州州境東西五十五里南北七十五里東至東京一千八百里東至西京一千四百五十里北至長安六百里東至鳳翔崇信縣九十里東南至隴州九十里北至渭州九十里西南至秦州約五百里隔隴山原無直路東北至涇州一百四十里內隔鳳翔崇信縣及宮坂嶺北至長安鎮四十里次至新制勝關城華亭縣周顯德六年置以華亭為名 文獻通考儀州唐末李茂貞於隴州廢華亭縣以縣為州治華亭周縣

涇

岐  
義

有

有

有

有

五代會要涇州平涼縣慶州同川縣安州吉陽縣晉天  
福二年正月尚書吏部奏自清泰三年敕改已上三縣  
欲編入十道圖皆未有地望勅以吉陽平涼並爲中縣  
同川爲下縣 太平寰宇記州境東西七十里南北一  
百三十五里東南至東京一千七百里東南至西京一  
千二百五十里東南至長安四百五十里東至鳳翔府  
麟遊縣長武鎮界四十里西至渭州潘原縣界三十里  
南至鳳翔府普潤縣界一百里東至鳳翔府麟遊縣界  
一百四十里北至原州臨涇縣界三十里西北至臨涇  
縣界三十五里西南至隴州汧陽縣界七十里東北至  
寧州豐義縣界四十里 文獻通考涇州周以潘原屬  
渭州又廢靈臺軍以縣來屬靈臺唐縣後李茂貞置靈  
臺軍良原隋縣唐置  
良原軍周軍廢縣復

原

岐

有

有

有

有

太平寰宇記州境東西五十五里南北九十五里東南  
至東京一千七百九十里東南至西京九百四十里東  
南至長安五百四十里東至寧州彭陽縣五十五里西  
至當州開邊堡三十里壕外蕃界南至渭州潘源縣九

十里北至邠州寧羌縣九十里東南至涇州保定縣界  
四十里西南至當州新城縣西菴堡蕃界七十里北至  
寧羌縣四十五里東至彭陽縣界三十四里土產覆鞍  
鹽貢蕭關縣唐高宗時於蕭關置他樓縣神龍元年廢  
他樓縣御史中丞侯全德以去州濶遠奏於故白草軍  
城置蕭關縣大中五年於縣置武州中和四年僑治潘  
原周顯德五年廢  
潘原縣仍還舊治

渭

岐

有

有

有

有

太平寰宇記州境東西五十五里南北六十五里東至  
東京一千八百里東至西京一千四百里東至長安六  
百四十里東至涇州一百二十六里西至安國鎮接連  
蕃界三十二里南至儀州九十里北至原州一百一十  
五里東南至良原縣一百一十里西南至儀州界一百  
里東北至原州六十五里西北至耀武鎮四十里平涼  
縣唐元和四年以渭州陷蕃權行渭州於此天福五年  
割屬渭州潘原縣貞元十年置行縣於彰信堡周顯德  
五年廢新武州入廢武州舊理蕭關在原州西北一百  
八十里蕭關一縣周顯德五年六月廢入潘原縣屬渭

州唐廣德已前渭州舊縣今並廢與地廣記潘原來屬周顯德六年來屬文獻通考後周廢武州以潘原來屬

武	岐	有	有	有	有
---	---	---	---	---	---

秦	岐 <small>雄天</small> 武 <small>蜀雄</small>	有	有	有	有
---	---	---	---	---	---

太平寰宇記州境東西四百二十里南北一百九十里東至東京二千一百里東至西京一千六百六十里東至長安八百里東至隴州三百里西至渭州三百里南至成州四百三十里北至原州五百里東南至鳳州五百三十里西南至成州三百里東北至原州四百七十五里西北至會州五百一十里清水縣後唐長興元年移置於上邦鎮卽今理所也文獻通考秦州後唐以鳳翔府清水來屬

成	岐蜀	有	有	有	有
---	----	---	---	---	---

太平寰宇記成州梁開平初改爲汶州後唐同光初復舊州境東西九十里南北一百四十里東至東京二千

二百八十里東至西京一千八百六十里東至長安一千里東至鳳翔府驛路四百五十里西南自良恭縣至宕州五百八十里南至武州三百三十里北至秦州四百三十二里東南至興州三百四十七里西南至武州三百四十五里東北至秦州三百里西南至渭州三百八十六里方輿勝覽成州朱梁改爲汶州文獻通考成州梁改汶州後唐復

階

岐蜀

有

有

有

有

太平寰宇記階州後唐長興三年移就故武州爲理晉末契丹猾夏秦成階三州叛入蜀周顯德三年階州歸順州境東西四百八十里南北三百二十里東北至東京二千四百八十里東北至西京二千六百里北至長安一千二百里東至成州三百里南至文州二百四十里西至蕃州約二百里北至秦州五百六十里東南至興州四百三十里西南至符州蕃界三百五十里東北連接秦州成州界三百里西北連接蕃界一百八十里土產蜜貢馬貢又福津縣後唐長興三年移州於此

鳳

岐蜀武興

有

有

有

有

太平寰宇記鳳州偽蜀升為武興軍節度使後唐同光三年降為防禦州州境東西一百八里南北三百七十八里東北至東京一千八百八十里東北至鳳翔府隔牙四百六十里東北至長安六百八十里東北至鳳翔府隔關三百五十里西至成州二百七十里東至興元府三百八里北至隴州三百七十里東南至洋州三百八十里不通鞍馬西南至興州長舉縣青泥嶺為界一百九十六里西北至秦州五百三十里東北至鳳翔府陳倉縣大散關為界一百四十里土產蠟燭貢麝香貢元豐九域志鳳州蜀武平興軍節度後唐降防禦方輿勝覽前蜀王建置武興軍大散關後唐郭崇韜入散關取鳳州石敬瑭伐蜀入散關後周王景出兵白散關伐秦州通鑑注威武城前蜀所築也在鳳州東北

乾

岐李茂貞置

有

有

有

有

太平寰宇記州境東西入十九里南北一百四十里東至東京一千四百五十里東至西京一千三百里東至



長安一百入十里西至鳳翔一百八十里南至武功縣  
五十里北至邠州一百五十里東南至永興軍興平縣  
七十里西北至鳳翔府一百一十里西南至永興軍武  
功縣五十里東北至永興軍醴泉縣七十里 長安志  
子城周五里四十步城上闊一丈下闊二丈二尺崇  
二丈二尺壕深一丈八尺濶三丈漢乾祐中重脩

魏

有天雄唐

有都鄴

有都鄴

有都鄴

有都罷

五代會要晉天福六年改皇城南應天門為乾明門北  
門為元德門西門為千秋門東門為萬春門七年三月  
改宣明門為來鳳門武德殿為視政殿文思殿為崇德  
殿畫堂為天清殿寢殿為乾福殿門如殿名 又七年  
四月勅鄴都諸門宜賜名額羅城南塼門為廣運門觀  
音門為金明門橙槽門為清景門冠氏門為永芳門朝  
城門為景風門大城南門為昭明門觀音門為廣義門  
北河門為靖安門魏縣門為膺福門冠氏門為迎春門  
朝城門為興仁門上斗門為延清門下斗門為通遠門  
太平寰宇記州境東西二百四十里南北三百二十  
里東至東京四百里西南至西京七百五十里西南至  
長安一千六百一十里東至博州武水縣一百三十七

里正東微北至博州一百八十里南至相州一百六十  
里西至相州一百一十里北至貝州二百一十里東南  
渡河至濮州一百九十里西北至洛州平恩縣界九十  
四里東南渡河至鄆州二百三十里西北至洛州一百  
六十里土產紬貢元城縣後唐改為興唐縣晉復為元  
城興地廣記元城五代漢以來為大名府成安後唐  
復為成安朝城晉屬大名府昌樂後唐避諱改為南樂  
晉屬大名府文獻通考後唐以貝州臨清來屬晉以  
臨清屬澶州周又以貝州之永濟宗城經城相州之內  
黃成安洹水博州之清平七縣來屬元城隋縣後唐改  
興唐  
晉復

博  
有唐有有有

冊府元龜李穀為司空平章事顯德元年三月壬午治  
河隄迴見先是河水自楊劉北至博州界一百二十里  
連歲潰東岸而為派者十有二焉復匯為大澤瀾漫數  
百里又東北壞石隄而出注齊棣淄青至於海濱壞民  
廬舍占民良田殆不可勝計流民但收野稗捕魚而食  
朝廷連年命使視之無敢議其功者世宗嗟東民之病

故命輔相親督其事凡役徒六萬三十日罷  
宇記州境東西一百八十九里南北二百里西南至長安  
京五百一十里西南至西京九百三十里西南至舊  
一州七十里正西微南至魏州一百八十里北至貝州  
齊州七十里東南至舊濟州五十四里西南至魏州冠  
一百三十里東南至舊濟州五十四里西南至魏州冠  
氏縣八十六里西北至貝州一百九十里東北至德州  
二百六十里土產平紬貢堂邑縣唐貞觀元年廢毛州  
改屬博州晉改為河清縣後復舊高堂縣偽梁開平二  
年改為重邱縣後唐同光初復舊晉改為齊城縣漢初  
舊復

貝

有唐有

有永清

有

有

五代會要貝州晉天福三年十二月升為永清軍節度  
以博冀二州隸之至周顯德元年十月降為防禦州  
太平寰宇記貝州晉天福三年改為永清軍節度周顯  
德元年降為防禦州州境東西二百四十九里南北一  
百九十里東南至東京六百一十里西南至西京九百  
六十里西南至長安一千八百二十五里東至博州一

百三十里南至魏州二百一十二里西至邢州二百三十里北至冀州一百三十里東南至博州一百九十里西南至洺州曲周縣一百三十五里西北至冀州九十里正東微北至德州二百六十里土產白瓊貢靴瓊貢元豐九域志晉永清軍節度周隆防禦文獻通考貝州後唐以臨清屬興唐府晉為永清軍節度周為防禦

衛

有唐

有

有

有

有

太平寰宇記州境東西二百三十六里南北一百四十四里東南至東京一百三十五里西至西京三百九十里缺至長安缺東至缺西至懷州三百五十里南至缺東北至澶州二百五十里北至缺東南至滑州一百三十二里西北踰山至澤州陵川縣二百四十里正南渡河至鄭州二百三十里

澶

有唐

有

有

有

有

五代會要晉天福二年六月置梁橋於德勝渡 太平寰宇記州境東西一百八十里南北一百六十里東南

至東京二百五十里西南至西京六百七十里南至長  
安一千五百里東渡河至濮州范縣一百一十里南渡  
河至滑州韋城縣一百三十里西至相州內黃縣七十  
里北至魏府一百一十里東南至曹州一百八十里西  
南至衛州二百五十里北至相州臨河縣八十里東北  
至魏府朝城縣九十四里土產角弓貢胡粉貢頓邱縣  
晉天福三年隨州移于今理所臨河縣天福九年隸澶  
州濮陽縣晉天福四年詔移于澶州之南郭為理所  
輿地廣記濮陽縣晉天福中移縣於澶州南郭下為治  
所臨河五代來屬衛南五代時來屬通鑑注唐澶州  
治頓邱縣自築德勝南北城及晉天福三年遂移澶州  
及頓邱縣於德勝以防河北城及晉天福三年遂移澶州  
考澶州晉以廣晉府之臨河濮州之濮陽來屬太平  
寰宇記德清軍潛德院後唐明宗潛龍宅在舊澶州其  
僧院隨軍移至此軍境東西缺南北缺南至舊澶州二  
十五里東至金隄四十里北至南樂二十五里至魏府七  
十里西至清豐縣二十里東至水北鎮五十里  
西北至庫固  
渠十五里

相

有昭德唐

有

有彰德

有

有

太平寰宇記州境東西二百一十五里南北九十里東南至東京三百五十里西南至西京五百八十里西南至長安一千四百四十里東至魏州一百八十里南至衛州一百一十二里西至潞州三百五十里北至磁州五十里東南至澶州一百四十五里西南至衛州一百五十六里西北至遼州三百五十里東北至洺州二百二十五里土產胡粉貢鳳翽席貢紗貢絹貢又永定縣朱梁開平中改為長平後唐同光初復為永定文獻通考相州晉以內黃成安洹水屬大名府永定唐縣梁改長平後唐復

邢

有義保唐

有安國

有

有

有

太平寰宇記州境東西二百八十二里南北一百三十六里正南微東至東京西路六百里東路六百五十里西南至西京八百四十里西南至長安一千七百里東至貝州二百三十里南至洺州臨洺縣六十六里西踰山至遼州二百二十六里北至趙州一百七十九里西北至太原府樂平縣五百里東北至冀州二百六十里

沼

有唐有

有

有

有

太平寰宇記州境東西一百九十七里南北一百一十二里西南至東京五百五十里西南至西京七百六十里西南至長安一千六百二十里東至天雄軍永濟縣界九十五里西至磁州武安縣界七十五里南至相州一百八十五里北至邢州沙河縣界四百五里東南至天雄軍一百二十里西南至磁州一百二十里東北至貝州一百三十里直北微西至邢州九十里

磁

有改曰唐有復曰

有

有

有

太平寰宇記州境東西一百七十里南北一百一十五里南至東京四百里西南至西京七百里西南至長安一千五百里東至魏府一百八十里西至潞州三百八十里南至相州六十里北至沼州一百一十里東南至相州鄴縣七十五里西南至相州鄴縣界七十五里東北至沼州一百一十里西北至遼州四百三十三里

鎮

有武順唐有成德

有順德

有成德

有

五代會要後唐天成三年十二月勅真定府屬縣准河中鳳翔例升為次畿真定縣升為次赤太平寰宇記州境東西二百一十里南北二百七十里西南至東京九百五十里西南至西京一千一百三十里西南至長安一千九百九十里東至定州一百二十四里南至趙州一百里西至太原府五百一十六里北至蔚州四百九十里東北至定州鼓城縣一百九十里西至太原樂平縣屈曲三百二十四里西北至代州五百四十里東北至定州五百四十里行唐縣梁開平二年改為章武縣後唐同光初復舊晉改為永昌縣漢復舊名輿地廣記元氏五代時來屬行唐五代屬真定府靈壽五代屬真定府束鹿五代時屬真定府文獻通考漢復為成德軍真定府後以趙州之元氏樂城二縣來屬棗城隋縣晉陷虜周復

冀  
有唐  
有  
有

太平寰宇記州境東西二百六十里東北二百三十六里西南取相州路至東京七百二十里西南至西京一千四百里西南取相州路至長安一千九百二十里東至德州二百一十五里南至貝州一百三十里正西微



北至趙州一百六十里北至瀛州二百四十里東至博  
州三百里西南至邢州二百六十里西北至深州一百  
三十里東南至博州三百里東北至滄州三百三十里  
土產絹貢綿貢五代會要顯德二年三月以李晏口  
爲靜安軍李晏口當契丹入寇之路築城屯軍爲邊防  
人甚賴之通鑑注冀州蓆縣東北有李晏鎮周時築  
城屯軍以爲靜安軍文獻通考冀州晉以堂  
陽屬真定府周以武強隸深州以堂陽還屬

深  
有唐有有有

太平寰宇記州境東西一百九十里南北二百六十里  
東至東京九百里西南至西京一千三百三十里西南  
取趙州路至長安二千一百五里東至滄州三百一十  
五里西至魏州五百里西至鎮州一百八十五里北至  
易州三百里東南至冀州一百三十里西北至定州一  
百七十三里西北至瀛州一百五十里西北至鎮州一  
百五十里土產絹貢輿地廣記下博後周爲州治焉  
唐置陸澤縣爲深州治所後周徙治靜安武彊五代時  
又來屬文獻通考深州周以冀州武彊  
來屬又深州靜安漢下博縣周以爲軍

趙

有唐

有

有

有

有

太平寰宇記州境東西二百五十里南北一百一十七里西南至東京八百三十里西南至西京一千三十里西南至長安一千八百九十里正東微南至冀州一百六十里西踰山至太原府五百六十里南至邢州一百七十九里北至鎮州一百九十五里東南至冀州隔河相去一百里西南至邢州一百九十五里西北至鎮州一百七十里東北至定州三百一十五里

易

有唐

有

有

有

有

太平寰宇記州境東西二百里南北三百九十五里西南至東京一千四百十六里西南至百京一千四百七十五里西南至長安二千三百三十五里東至幽州二百一十四里南至莫州一百八十里西至蔚州飛狐縣東界一百四十里北至妫州懷戎縣南界廢故城鎮二百里東南至莫州缺西南至定州北平縣界一百四十七里西北至蔚州取飛狐路三百六十里東北至幽州良鄉縣八十里又易州宥戎鎮周爲梁門口寨在州



東南九十里 通鑑注匈奴須知狼山寨東北至易州  
八十里東南至廣信軍界 文獻通考後唐置宥戎鎮

周爲梁  
門口寨

祁

有唐有

有

有

有

太平寰宇記州境東西一百五十里南北三十八里七  
十步東至東京一千里西南至西京一千四百里西南  
至長安二千二十里東至深州一百二十里西至鎮州  
七十里南至古鼓城縣三十五里北至定州八十里東  
南至深州東鹿縣九十八里西南至臺城縣三十七里  
東北至定州義豐縣一百里西北至定州新樂縣六十  
里 輿地廣記祁  
州周徙治蒲陵

定

有義唐有

有

有

有

有

太平寰宇記州境東西二百三十里南北二百七十里  
西南至東京一千一百二十里西南至西京一千二百  
二十里西南至長安二千八百十五里東至瀛州二百  
八里南至趙州三百一十七里西南取臺城縣至趙州

一百九十里西至鎮州一百二十四里北至蔚州四百九十里東南至深州一百七十三里西南至鎮州一百七十三里西北至鎮州行唐縣七十三里東北至莫州二百五十里西至土產羅綺貢唐縣梁開平三年改爲中山縣後唐同光初復舊晉改爲博陵縣漢初復舊北平縣後唐長興三年改爲燕平縣今復爲北平

滄

唐橫海

有

有

有

有

五代會要滄州梁乾化二年三月改爲順化軍節度以張萬進歸順故也至後唐同光元年改爲橫海軍太平寰宇記滄州唐末改爲義昌軍梁乾化二年改爲順化軍後唐復爲橫海軍州境東西三百六十三里南北三百一十二里西南至東京一千二百里西南至西京一千三百六十里西南至長安二千二百二十里東至大海一百八十里正南微西至德州三百四十里正西微北至瀛州二百里北至乾寧軍九十里北至幽州五百七十五里東南至棣州二百五十里西南至冀州二百九十里西北至莫州二百六十里東北至海口二百五十里又至平州五百里南皮縣長慶二年於弓高縣復立景州以縣屬焉周顯德二年州廢縣屬滄州文

獻通考滄州梁改順化軍後唐復爲橫海軍 太平寰  
宇記乾寧軍理馮橋鎮本古盧臺軍地後爲馮橋鎮臨  
御河之岸接滄霸二州之界幽州割據僞命升爲寧州  
周世宗顯德六年收復關南却爲乾寧軍仍置乾寧縣  
軍境東西五十里南北一百五十九里南至東京一千  
三百里西南至西京一千七百里西南至長安二千七  
百五十里東至滄州界二十五里南至滄州界九里西  
至霸州大城縣界二十里北至東西湖河一百五十里  
河北是幽州界南至滄州界三十四里西南至霸州大  
城縣界一十八里東北至滄州九十三里西北至霸州  
大城縣湖溝一百五十里 輿地廣記五代置乾寧軍  
後入契丹周顯德六年世宗北伐取乾寧軍御龍舟樓  
船戰艦首尾數十里至益津關 通鑑顯德六年夏四  
月庚寅韓通奏自滄州治水道入契丹境柵於乾寧軍  
南補壞防開游口三十六遂通瀛莫 通鑑注乾寧軍  
在滄州西一百里蓋乾寧間始置此軍也宋白曰乾寧  
軍本古盧臺軍也後爲馮橋鎮臨御河之岸接滄幽二  
州之界周顯德六年收復關南始建爲乾寧軍 文獻  
通考乾寧軍本唐幽州盧臺軍之地石晉陷虜周平三  
關置永安縣屬滄州乾寧周縣有獨流寨 太平寰宇

記保順軍南至棣州一百二十里東南至濱州一百里西南至德州二百五十里西北至滄州一百七十里

景

唐

有

有

有

有

廢

輿地廣記將陵周顯德二年還屬太平寰宇記定遠軍軍境東西八十里南北七十三里西南至東京八百二十里西南至西京一千二百四十里西南至長安二千一百里東至臨津縣八十五里西至阜城縣六十五里南至安陵縣四十五里北至瀛州一百四十里東南至臨津縣四十七里西南至薊縣六十五里東北至滄州一百二十里西北至景城縣九十里土產蘆舊貢

德

唐

有

有

有

有

太平寰宇記州境東西一百九十五里南北二百一十九里西南至東京九百五十里西南至西京一千一百九十里西南至長安二千五百里東至棣州二百四十里南至博州二百六十里西至冀州二百一十五里正北微東至滄州二百四十里正南微東渡河至齊州二百四十五里西南至貝州二百三十里西北至冀州三

百三十里土產綾貢 輿地廣記平昌唐後謂之德平  
疑後唐避諱更名 文獻通考德州周以景州安陵來  
屬廢長河德平  
漢平昌縣梁改

濱 有世宗置

太平寰宇記州境東西二百二十里南北一百三十八  
里西南至東京一千一百二十里西南至西京一千  
六百九十里西南至長安二千三百八十里東至海一  
百八十里西至棣州界四十里南至淄州一百八十里  
北至滄州界八十里東南至青州界一百八十里西南  
至棣州八十里東北至滄州界七十里西北至滄州界  
二百六十里 輿地廣記渤海周屬濱州 通鑑注薛  
史濱州本贍國軍周顯德三年升為州割棣州之渤海  
蒲臺兩縣屬焉

瀛 唐 有 契丹 有

太平寰宇記州境東西一百七十里南北七十里南至  
東京一千一百里西南至西京一千五百五十五里西

南取深州路至長安二千一百九十五里東至滄州一百八十里南至冀州二百三十里西至定州二百八十里北至莫州一百八里東南至德州三百七十里西南至深州一百五十里西北至易州三百里東北至霸州一百九十里

文獻通考瀛州晉高祖以賂契丹周世宗復取之以

大城屬

霸州

莫

唐

有

契丹

契丹

有

太平寰宇記州境東西八十里南北六十里東至東京一千一百里西南至西京一千四百四十五里南取瀛州路至長安二千二百九十五里東至大海二百八十里西至易州界霧山一百七十里南至瀛州一百八里北至涿州一百六十里又北至幽州二百八十里東南至滄州二百六十里西南至定州二百五十里西北至易州一百九十里東北至平州八百里土產絹貢又莫縣廢唐興縣唐析河間縣置武昌縣隸瀛州至神龍初改爲唐興縣景雲二年改爲莫州石晉改爲宜州縣後復舊周顯德六年併入莫州

文獻通考莫州晉初



陷契丹周世宗復取之以文安屬霸州後又廢  
寰宇記保州理清苑縣本莫州清苑縣縣地石晉初割  
屬契丹蕃戎立為泰州至少主開運元年剋復泰州二  
年以滿城縣當路衝要宜立郡廷用威戎虜其泰州宜  
移理于滿城縣舊泰州復為清苑縣滿城所置泰州尋  
廢皇朝初却于清苑縣置保塞軍太平興國六年升為  
保州仍割清苑縣屬焉州境東至東京一千二百里西  
南至西京缺東至唐七十里西至滿城五十里南至  
望都缺北至靜戎軍四十里東南至博野寧邊軍一百  
里西南至望都九十里東北至靜戎軍四十里東北至  
威虜軍四十里 太平治跡統類保州廣信安肅軍自  
五代以來別領兵萬人號沿邊都巡使亦曰策先鋒  
以知州軍為使署副二人析  
所領卒為三部使援鄰道

雄

有

世宗  
置

太平寰宇記州境東西一百五十里南北八十五里西  
南至東京一千二百里西南至西京一千六百五十里  
西南至長安二千四百五十里東至莫州新鎮七十里  
西至定州二百五十里南至莫州三十里北至新城縣

七十里東南至莫州長豐縣九十里西南至定州保塞軍一百里東北至霸州一百里西北至易州一百五十里

霸

有世宗置

太平寰宇記州境東西七十五里南北一百七十三里南至東京一千二百里西至西南至西京一千六百七十三里至長安二千五百里東至乾寧軍界八十里接淀泊至雄州八十里南至瀛州一百九十里北至幽州二百里東南至乾寧軍一百四十五里西南至莫州七十里東北至當州永清縣界孟村三十里接幽州北界西北至當州永清縣界宋村二十五里接幽州北界通鑑顯德六年夏四月己酉發濱棣丁夫數千城霸州命韓通董其役文獻通考霸州古上谷郡地瀕海皆斥鹵沮洳東北近三百里野無所掠非入寇之徑何承矩曰自陶河至泥姑口屈曲九百里天設險阻真地利也講習水戰之具大為要害

幽

唐盧龍

有

契丹

契丹

契丹

太平寰宇記東西缺南北缺南至東京一千二百八十五里西南至西京一千六百八十五里西南至長安二千五百四十五里東至薊州二百一十里南至莫州二百八十里西至易州二百一十四里北至媯州二百一十里東南至滄州五百五十里西南至涿州一百二十里西北至媯州二百里東北至順州八十里土產范陽綾貢文獻通考幽州後唐爲盧龍節度使石晉初没于契丹

涿

唐

有

契丹

契丹

契丹

太平寰宇記州境東西缺南北缺南至東京缺西南至西京一千五百六十五里西南至長安二千四百二十五里東至幽州一百二十里南至莫州一百六十里餘以幽州取則不遠文獻通考涿州石晉初没于契丹漢周俱不能取

檀

唐

有

契丹

契丹

契丹

太平寰宇記州境東西缺南北缺東至東京缺西南至西京一千五百三十五里西南至長安二千六百九十

五里東至霸州二百一十七里南至幽州潞縣界五十  
五里北至長城四十里東南至薊州一百九十里西北  
至幽州一百九十里西北至媯州二百五十里東北至  
長安障塞軍一百一十里土產安東府人參貢 文獻  
通考檀州後晉高祖初起以遺  
契丹迄漢周及宋皆不能取

薊

唐

有

契丹

契丹

契丹

太平寰宇記南至東京缺西南至西京一千八百九十  
里西南至長安二千七百五十里東至平州三百里東  
至會海口一百八十二里西至幽州二百十里北至廢  
長城塞二百三十五里南至平州石城縣二百八十里  
西南至幽州雍奴縣界一百二十五里西北至檀州二  
百一十七里東北至平州石城縣界廢盧龍戍二百里  
戊據開皇長城置 文獻通考後晉高祖  
初起以遺契丹迄漢周及宋皆不能取

順

唐

有

契丹

契丹

契丹

太平寰宇記兩京及四至八到並與范陽  
同 文獻通考順州石晉初没于契丹

營

唐

有契丹

契丹

契丹

契丹

太平寰宇記州境缺東至東京缺西南至西京四千二百  
十里西南至長安五千里東至遼河南至大海三百  
四十里西至平州七十里北至秦長城二百七十里至  
契丹界濕水四百里東南至保定軍舊安東都護府一  
百七十里西南至平州七百里西北至契丹界七十  
里東北至契丹界九十里自界至契丹牙帳四百里

平

唐

有契丹

契丹

契丹

契丹

太平寰宇記州境東西缺南北缺南至東京缺西南至  
西京二千一百九十五里西南至長安三千五百里  
東北至渝關守捉一百九十里自關東北至營州五百  
里南至海二百里西至薊州三百里北至上谷八十里  
西南至馬城縣一百八十里西北至石城縣一百四十  
里西北至盧龍塞二百里東北至營州七里通鑑注  
燕山之地易州西北乃金坡關昌平縣之西乃居庸關  
順州之地乃古北口景州之東北乃松亭關平州之東  
乃渝關渝關之東卽金人來路也此數關皆天造地設  
以分蕃漢之限一夫守之可以當百本朝復燕之役若

得諸關則燕山之境可保然關內之地平灤營三州自後唐陷於阿保機改平州為遼興府以營灤二州隸之號為平州路至石晉之初耶律德光又得燕山檀順景薊涿易諸州建燕山為燕京以轄六郡號燕京路而與平州自成兩路

蔚

唐

有

契丹

契丹

契丹

太平寰宇記州境東西缺南北缺南至東京缺南至西京一千六百三十里南至長安二千里東至易州山路三百二十里南至鎮州取秦嶺路四百九十里南至朔州三百八十里東南至定州取轆轤路四百九十里西南至代州四百里西南至朔州四百六十里東北至媯州界孔嶺關一百里從關至媯州又一百五十里興唐縣梁開平二年改為隆化縣後唐同光初復舊晉初改靈仙縣漢初復舊文獻通考蔚州石晉時陷契丹

朔

唐振武

有

契丹

契丹

契丹

太平寰宇記州境東西四百八十里南北九十七里南至東京缺南至西京一千三百五十里西南至長安一

千七百二十里東至蔚州四百六十里南至代州界一百四十六里西至嵐州三百七十四里北至單于大都護府三百五十七里東南至代州界一百二十里西北至單于府一百二十里東北至故雲州二百六十里土產豹尾貢 文獻通考後唐爲振武軍石晉初沒于契丹

雲

唐大

有

契丹

契丹

契丹

五代會要雲州後唐同光二年七月復爲大同軍節度以應州隸之 太平寰宇記雲州後唐同光二年復爲大同軍節度州境東西一百七十七里南北四百九十里東至東京缺南至西京一千五百九十里西南至長安一千九百六十里東至天城軍六十里東至納降守捉九十里納與幽州分界東至清塞城一百二里東至桑乾都督帳一百五十里東取寧武媯州路至幽州七百里南至代州界一百六十里西至都夾谷五十里西至靜邊軍一百八十里北至長城三百里卽蕃界北至土河四百里東南至勝州四百里西南至神雄鎮柵九十里西南至太原七百里西北至蕃柵一百六十里正西微北至單于都護府三百里東北至陽河曲三百四

十里卽蕃界土產犛牛尾貢文獻通考雲州石晉時沒契丹契丹號爲西京

應唐有國契丹契丹契丹契丹

五代會要應州金城縣鴈門縣混源縣寰清縣後唐天成四年九月勅升應州爲望州金城鴈門爲望縣混源爲上縣寰清爲次縣以明宗潛龍鄉里故也文獻通考應州石晉時沒于契丹

新唐有塞契丹契丹契丹

元豐九域志新州威塞軍節度領永興一縣輿地廣記新州唐末置文獻通考新州唐末置石晉時沒于契丹改爲奉聖州其地在雲中府之東

嬌唐有契丹契丹契丹

太平寰宇記州境東西缺南北缺南至東京缺西南至西京一千八百五十里西南至長安二千七百四十五里東至瀘州二百五十里南至幽州二百九十里西至蔚州二百九十里北至張說新築長城九十里又云至



廣遼城舊名白雲城一百八十里東南至幽州一百五十里西南至蔚州二百四十里東北至長安城為界九十八里  
文獻通考 媯州石晉沒于契丹 契丹改為可汗州

儒 唐 有 契丹 契丹 契丹

輿地廣記 儒州唐末置領縣一縉山縣  
文獻通考 儒州唐末置石晉時沒於契丹

武 唐 有 契丹 契丹 契丹

輿地廣記 毅州本武州唐末置後唐長興元年改曰毅州領縣一文德縣  
文獻通考 武州唐末置屬河東道後唐改為毅州石晉時沒於契丹契丹改為歸化州南至新州七十里

寰 有 明宗 契丹 契丹 契丹

輿地廣記 寰州唐末置領縣一寰清縣

忻 唐 有 有 有 東漢

太平寰宇記州境東西一百四十五里南北八十六里  
東南至東京約一千五百里東至西京一千七百里西  
南至長安一千四百四十里東至代州界一百九十里  
南至太原府一百八十里西至嵐州二百四十里北至  
代州二百五十里東南至太原府界一百二十里西南  
至太原府及嵐州兩界各一百二十里西北至嵐州界  
一百一十里東北至代州界一百一十里土產麝香貢豹尾貢

代

唐  
門

有

有

有

東漢

五代會要代州周顯德元年升為靜塞軍節度以初歸  
降故也 太平寰宇記州境東西三百二十里南北三  
百二十八里南至東京一千七百里南至西京一千三  
百三十里西南至長安一千六百里東至蔚州二百六  
十里南至太原府五百里西至嵐州一百六十里北至  
朔州界一百四十六里東南取崩石嶺至鎮州五百四  
十里西南至忻州二百五十里西北至朔州二百二十  
四里東北至蔚州四百里土產鵬翎貢 又寶興軍本  
代州烹煉之治務劉繼元割據之時建為寶  
興軍地屬五臺山寺皇朝平河東因之不改

古今圖書集成  
職方典

嵐  
唐  
有  
有  
東漢

太平寰宇記州境東西三百二十里南北二百七十八里東南至西京一千二百二十里東南至東京一千一百里南至長安取太原路一千五百八十里東至忻州二百四十里南至石州二百三十里西至勝州界一百八十里西至麟州三百里北至朔州三百里東南至太原府二百五十里西南至銀州三百里西北至勝州一百九十里東北至代州三百里東至朔州三百七十里土產熊皮貢 又寧化軍軍境東西缺南北缺東至忻州界從合寨九十里南至嵐州靜樂縣六十里正南以西至嵐州一百二十里北至契丹界橫嶺六十里自嶺至朔州一百里東南至天門關二百四十里西南至嵐軍一百五十里 又火山軍軍境東西缺南北缺圖經上未有至二京里數東至白鴿寨七十里南至嵐軍一百六十里西至黃河七里北至雄勇鎮二十里西南至定羌軍七十里西南至府州五十里西北至黃河中心慈母灘一百里西北至朔州六十里 文獻通考寧化軍本嵐州地劉崇置固軍太平興國四年徙軍城稍南改爲寧化縣五年置軍 又火山軍本嵐州

地劉崇置雄勇鎮宋太平興國七年建為軍徙治鎮西  
三十里通鑑注岢嵐軍後唐復置又隆州蓋晉漢

間所置其地在  
岢嵐嵐谷之間

石

唐

有

有

有

東漢

太平寰宇記州境東西一百九十里南北三百里東南  
至東京一千三百五十里東南至西京一千九百里西  
南至長安一千二百五十里東至汾州一百六十里正  
南微東至隰州二百五十里南渡河至綏州二百三十  
里北至嵐州二百九十里東南至隰州二百九十里西  
南至隰州石樓縣一百五十里西北至嵐州二百三十  
五里東北至太原府三百九十五里

憲

唐

有

有

有

東漢

太平寰宇記憲州龍紀元年太原李克用為晉王時奏  
置憲州于樓煩監州境東西一百八十里南北一百二  
十里東南至東京一千五百里東南至西京一千七百  
里東至并州陽曲縣界一百二十里西至石州方山縣

界六十里南至交城縣一百里北至嵐州靜樂縣界二十里  
輿地廣記龍紀元年節度使李克用表置憲州  
及樓煩縣樓煩縣唐龍紀元年  
於樓煩監西一里置為憲州治

麟

唐

有

有

有

東漢

太平寰宇記州境東西缺南北缺東南至東京一千九  
百一十里東南至西京一千五百一十里西南至長安  
一千四百六十里東至嵐州界黃河一百二十里河上  
有合水關東至嵐州一百八十里西南至銀州三百里  
東北至勝州四百里

府

唐

有

有

永安

有

罷軍

有

永安

太平寰宇記州境東西缺南北缺東南至東京二千一  
百二十里東南至西京一千七百二十里東過河至火  
山軍四十里南過河至岢嵐軍一百四十里西至麟州  
一百五十里北至二十六府勒浪尾馬直蕩毀娘等蕃  
族四百八十里東南過河至火山軍界桔棹塞四十里  
西南至麟州杓枝谷三十里西北至沒兒雀悉命女文

越都等蕃族三百五十里東北至唐龍鎮一百五十里

通鑑注府州領府谷一縣後唐以麟州東北河濱之地置宋白曰府州本河西蕃界府谷鎮

井

唐

東河

有

都北

有

有

東漢

太平寰宇記州境東西缺南北缺東至東京一千二百里西至西京八百九十里西南至長安一千六百里東至趙州五百八十九里南至潞州四百五十里西至石州三百九十五里北至忻州一百八十里東南至遼州三百八十三里西南至汾州二百里西北取乾燭谷路至嵐州二百二十里東北至代州五百里土產梨貢馬鞍貢葡萄貢元豐九域志太原府周初劉崇竊據輿地廣記自劉氏竊據以前府治太原晉陽二縣文獻通考周太祖卽位劉旻據河東稱帝都其地

汾

唐

有

有

有

東漢

五代會要汾州周顯德元年五月升爲寧化軍節度以初歸順故也太平寰宇記州境東西一百六十四里

南北二百八十五里南至東京九百里東南至西京九  
百三十里西南至長安一千九百里東南至潞州四百  
四十里南至晉州三百九十里西北至石州一百六十  
里北至交城縣七十四里東南至管下孝義縣四十里  
西南至隰州二百七十里西北至嵐州有界相隔山數里  
臨未詳里數東至太原府一百七十里

慈

唐

有

有

有

有

太平寰宇記州境東西二百五十一里南北二百一十  
二里東至東京一千二百里東南至西京七百二十五  
里西南至長安六百八十五里東南至晉州二百四十  
里南至絳州二百七十三里西至黃河六十五里正西  
微北至丹州一百七十里北至隰州二百里東南至絳  
州太平縣一百九十里西南至同州韓城縣界一百七  
十五里西北至延州二百九十里東北至汾州五百里  
土產蠟燭貢吉鄉縣唐為吉昌縣後唐改吉鄉以避國  
諱鄉寧縣舊昌寧縣後唐改鄉寧輿地廣記慈州後  
唐改吉昌為吉鄉昌寧後唐改曰寧鄉文獻通考慈  
州昌寧後魏鄉  
寧縣後唐改

隰

唐

有

有

有

有

太平寰宇記州境東西二百九十四里南北二百九十八里東至東京一千一百四十里南至西京七百五十里西南至長安九百九十里東至汾州靈石界一百六十里西南至延水縣界一百三十四里南至交城縣界州在延一百二十八里北至石州平夷縣界一百七十里東南至晉州臨汾縣界一百八十五里西南至慈州文城縣界一百三十里東至石州縣界一百八十里西北至綏州延福縣界黃河一百八十五里土產蜜蠟胡女布已上舊貢

澤

唐

有

有

有

有

太平寰宇記州境東西三百三十里東北一百五十里東南至東京四百六十二里西南至西京二百二十五里西南至長安一千里東踰山至衛州四百一十里南至懷州一百四十里西至絳州四百五十里北至潞州一百九十里東南至懷州武德縣二百六十五里西南至孟州濟源縣一百五十里西北至晉州四百一十六





里東北至相州六百  
里土產白石英貢

潞

唐

昭義

有

安義昭義

有

有

有

太平寰宇記州境東西二百九十三里南北三百三十  
六里東南至東京七百二十里南至西京四百七十里  
西南至長安一千三百三十里東取亢陘嶺路至相州  
二百六十里南至澤州一百九十里西至晉州三百九  
十里北至遼州二百八十三里東南至相州林慮縣界  
一百四十六里西南至晉州沁源縣界一百九十六里  
西北至沁州二百一十里西北至太原府四百  
五十里東北至洺州武安縣界二百四十里

沁

唐

有

有

有

東漢

遼

唐

有

有

有

東漢

太平寰宇記遼州唐儀州梁開平三年以兗州管內有  
沂州改儀州復為遼州州境東西一百五十里南北一  
百九十五里東南至東京七百里西南至西京七百八  
十里西南至長安一千六百四十里東至慈州三百四

里西至并州三百四十五里南至潞州三百三十一里  
北至平定軍樂平縣一百七十里東至潞州黎城縣一  
百九十五里東北至邢州三百四十二里  
文獻通考遼州唐儀州梁改爲遼州

揚

吳南

吳

南唐

南唐

有

太平寰宇記州境東西二百二十五里南北一百六十  
七里西北至東京一千四百二十里西北至西京一千  
九百四十里西北至長安二千七百七十里東至海五百六  
里至泰州九十五里南至大江三十里渡江至潤州七  
十里西至滁州二百里北至楚州三百里東南至海四  
百里至泰興縣界八十里西南至和州三百六十里西  
北至泗州二百里東北至泰州鹽城縣三百六十里  
又揚州白沙鎮地僞吳順義二年改爲迎鑾鎮是揚子  
江入京口之岸又永貞縣李昇僞命日改爲永貞縣  
楊太祖墳在邑界側楊行密據江淮稱爲吳都元豐  
九域志揚州下古跡法華院周世宗親征淮南駐蹕於  
此後建爲院又真州下古跡迎鑾鎮卽今州地僞唐  
置與地廣記揚州唐末楊行密竊據其地後爲李昇  
所取南唐以永正縣地置迎鑾鎮五國故事徐氏將

移楊氏之祚乃以昇州為大吳西都揚州為東都聲言  
將遷楊氏於江南改白沙為迎鑾入蜀記真州本唐  
揚州揚子縣之白沙鎮楊溥有淮南徐溫自金陵來觀  
溥於白沙因改曰迎鑾鎮或謂周世宗征淮時諸將嘗  
於此迎謁非也方輿勝覽五代並屬揚州偽吳置迎  
鑾鎮又回軍渡在六合縣藝祖皇帝以舟師伐李璟  
於瓜步振旅凱旋因名云通鑑注唐以揚州為東都  
又吳都廣陵故謂揚州為揚府又迎鑾鎮本唐之  
白沙也吳主楊溥至白沙閱舟師徐溫自金陵來見因  
以白沙為迎鑾鎮白沙本屬江都唐分江都置永貞縣  
吳為迎鑾鎮宋為真州文獻通考揚州吳改江都府  
置興化縣南唐以海陵興化二縣屬泰州周復為大都  
督節度廣陵唐江陽縣南唐改又唐揚州揚子縣  
之白沙鎮南唐改迎鑾鎮永正唐揚子縣偽唐改

楚

吳

吳

南唐

南唐

有

五代會要楚州後唐天成三年十月升為中正軍節度  
太平寰宇記楚州後唐天成三年升為順化軍節度顯  
德五年平淮南降為防禦州州境東西四百七十六里  
南北二百七十里西北至東京二千二百五十五里西

北至西京一千六百七十里西北至長安二千五百三十里東至海二百一十五里南至揚州三百里西至泗州傍淮路二百二十里北至連水運路至海四百一十五里北至淮七十里東南至泰州界八十里是海陵縣西南至招義縣四百二十里西北至泗州二百六十二里東北至淮口入海水路一百八十里元豐九域志楚州後唐順化軍節度周降防禦方輿勝覽楚州金牛岡在山陽縣北七十里周世宗宿兵於此老鵲河在城西周世宗至此艦大不能過遂開此河以通其道通鑑地理通釋周世宗自北神堰鑿老鵲河通戰艦入大江而唐遂失淮南之地

泗

吳

吳

南唐

南唐

有

太平寰宇記州境東西二百九十里南北三百一十八里西北至東京一千七十里西北至西京一千四百七十里西北至長安二千三百三十里東至楚府二百二十里西至淮水一里與盱眙分界西至濠州二百一十里正北微東至海州五百四十里東至盱眙縣以淮水分界東北至海州界海口四十里西北至埭橋四百二

十里西北至沂州六百七里 文獻通考泗州  
唐末爲楊行密所有周世宗伐南唐而取之

滁

吳

吳

南唐

南唐

有

太平寰宇記州境東西二百五里南北一百七十三里  
西北至東京一千三百七十里西北至西京一千七百  
八十里西北至長安二千五百六十里東至揚州三百  
三十里南至和州一百里西至濠州二百六十里西至  
廬州慎縣界一百六十二里東南至和州烏江縣一百  
六十一里西南至廬州慎縣界一百六十二里西北至  
濠州二百二十六里東北至盱眙縣二百四十四里土  
產布舊貢 輿地廣記滁州清流縣周世宗征南唐李  
景使皇甫暉屯清流關爲周師所敗暉被擒於此 方  
輿勝覽滁州豐樂亭歐陽永叔記云滁于五代干戈之  
際用武之地太祖皇帝嘗以周師破李景兵十五萬於  
清流山下生擒其將皇甫暉姚鳳於滁東門之外遂以  
平滁修嘗考其山川按其圖記升高以望清流之關欲  
求暉鳳就擒之所而故老皆無在者清流關在清流縣  
西南二十餘里舊傳南唐置關地尤險要周世宗征淮  
唐將皇甫暉姚鳳聚衆塞清流關太祖擊走之生擒暉

及鳳遂下滁州 通鑑注隋始置清流縣唐爲滁州治  
所清流關在縣西南二十餘里南唐所置也 文獻通  
考滁州來安卽唐  
永安縣僞唐後改

和

吳

吳

南唐

南唐

有

太平寰宇記州境東西七十九里南北一百八十五里  
東北至東京一千四百八十里西北至西京一千九百  
里西北至長安二千七百四十里東渡江至宣州三百  
二十六里南至宣州三百二十六里南至廬州二百二  
十四里北至滁州一百六十二里東南至橫江西岸一  
千五百里大江中心爲界與宣州當塗縣相接西南至  
廬州巢縣界一百四十五里東北至揚州六合縣界一  
百五十里西北至廬州慎縣界一百一十里土產紵布  
貢

光

吳

吳

南唐

南唐

有

太平寰宇記州境東西二百四十三里南北一百五十  
五里西北至東京九百里西北至西京一千三百二十

里西北至長安一千七百里東至壽州四百里南至黃州三百六十里西至舊申州二百里北至蔡州三百里東南至蘄州八百二十里西南至安州七百里東北至潁州三百二十里西北至許州六百二十里

黃

吳

吳

南唐

南唐

有

太平寰宇記州境東西二百五十里南北三百三十五里東北至東京一千九百里西北至西京一千七百里西北至長安舊路一千八百八十里取隨州路一千九百里東至蘄州一百五十二里南至鄂州武昌縣隔大江對岸北至光州七百里東南至蘄州蘄水縣一百二十里西南至鄂州一百五十里西北至安州五百五十里東北至光州固始縣五百七十七里土產貨布貢

舒

吳

吳

南唐

南唐

有

太平寰宇記州境東西五百八十三里南北三百三十五里西北至東京一千三百三十里西北至西京一千七百五十五里西北取廬州路至長安二千六百一十五里取蘄黃路二千八百八十里東至宣州八百五十

里南至江州水陸相兼共五百七十里西至蘄州一百里北至廬州四百里北渡大山至壽州八百里東南至江州八百里東南水路二百四十里至皖口入大江處又沿流東北一百里至石牌大山中與池州分界首東南七十二里至池州界四百一十一里西南至蘄州三百七十里西北至壽州三百七十里東北至廬州三百八十里方輿勝覽徐鍇云中國得之可以制江表江表得之亦以困中國故孫權克皖而曹操不寧世宗平淮而李氏窮蹙

蘄

吳

吳

南唐

南唐

有

太平寰宇記州境東西一百七十里南北五百一十里東北至西京取蔡州路一千八百二十四里水路取蘄水南下揚州東北沂流屈曲四千一百二里西北至長安取洛陽南潼關路二千五百六里又取藍田關路二千一百六十一里水路取蘄水下揚州東北沂流至洛京福昌縣界穴狼山過屈曲五千一百四十五里東至舒州三百里南至鄂州永興縣界二百二十里西至黃州三百三十里北至壽州霍山縣四百五十里東南至鄂





州五百里西南至光州三百七十里東北至壽州踰泰山九百七十里土產白紵布白花蛇竹簞笛管已上舊貢

廬

吳

吳

南唐

南唐

有

信保

太平寰宇記州境東西二百八十三里南北三百三十五里西北至東京一千五百里西北至西京一千五百里西北至長安二千二百里東至和州二百九十五里南至舒州四百里西至壽州界二百一十五里北至濠州三千三十里東南至渦口今爲新婦口三百八十四里對岸卽舊南陵縣地今爲繁昌縣相對西南至舒州四百七十六里西北至壽州三百里東北至滁州全椒縣一百四十五里土產交梭絲布貢

壽

吳

正忠

吳

南唐

清淮

南唐

有

正忠

冊府元龜楊信爲壽州節度使顯德四年四月奉詔發部內丁夫廣壽州新城太平寰宇記州境東西一百七十里南北五百六十五里西北至東京八百五十里西北至西京一千二百二十里西北取陳潁路至長安

二千八十里東至濠州二百二十里南踰大山至舒州  
八百里南至潁州二百六十里北至濠州界四十五里  
東南至廬州二百六十里西南至光州四百三十里西  
北至宿州三十里東北至濠州四百三十里土產石斛  
貢又下蔡縣周朝平淮南移壽州於此六安縣唐開  
元二十七年改爲盛唐從舊名也梁改爲壽山縣後唐  
同光初復舊晉天福中改爲來化縣後復舊名皇朝開  
寶四年改爲六安縣方輿勝覽紫金山在壽春南或  
云卽入公山周顯德四年征淮太祖率殿前諸軍擊紫  
金山連珠砦拔之遂下壽州通鑑地理通釋劉氏季  
裴曰自古守淮莫難於謝元又莫難於楊行密肥水之  
役謝元以八千人當苻堅九十萬之衆清口之役楊行  
密以三萬人當朱全忠八州之師衆寡殊絕而卒以勝  
者扼淮以拒敵而不延敵以入淮也孫仲謀以江守江  
楊行密以淮守淮晉人以淮守江又芍陂可以灌壽  
淝水可以灌廬南唐何敬洙嘗復諸塘不克通鑑注  
周時蓋置鎮於六安山口案薛史本紀顯德四年劉重  
遇奏殺紫金山潰兵三千人於壽州東山口又疑置鎮  
於此地未詳孰是

海

吳

吳

南唐

南唐

有

太平寰宇記州境東西一百九十八里南北二百九十八里西北至東京一千四百六十里西北至西京一千八百八十五里西北至長安二千七百四十五里東至東海縣水道九十里南至泗州五百四十里南至揚州七百里西至下邳縣五百五里至徐州五百六十里北至密州三百八十四里西南至沐陽取宿遷經泗州五百里東南至漣水軍取官河水路三百四十里陸路二百五十里東南南至楚州四百一十里西北至沂州二百七十里東北至東海縣界八十里土產紫菜產在郡東北七十五里海畔石上舊貢

泰

吳

吳

南唐

南唐

有

太平寰宇記泰州本揚州海陵縣僞吳乾貞年中立爲制置院僞唐昇元元年升爲泰州仍析海陵南五鄉爲泰興縣割楚州之鹽城縣改招遠場爲縣至保大十年又改如皋場爲縣並屬泰州州境東西一百七十里南北二百五十里新置州未有至東西京及長安里數東至通州三百里西至揚州廣陵界二十里南至大江七

十五里北至楚州界四百里東南至如皋赤岸鄉界一百三十里西北至高郵州縣城村界一百里東北至鹽城縣丁溪界二百里海陵縣屬淮南僞吳武義年中析爲招州興化縣本海陵縣地屬揚州僞唐昇元元年改隸泰州遠場尋改爲興化縣屬揚州僞唐昇元三年析海陵縣泰興縣本海陵縣濟南鎮地僞唐昇元三年析之南界五鄉爲泰興縣屬揚州僞唐保大十年升爲縣海陵之五鄉置如皋場屬揚州僞唐保大十年升爲縣又鹽城縣僞唐割屬泰州鹽城監古之鹽亭也歷代海岸煎鹽之所元管九場僞唐以爲鹽城周顯德三年平江淮之後因之不改焉又海陵監煮鹽之務也僞唐於海陵縣置泰州以轄其監監境東西一百九十里南北三百一十里東至通州靜海縣界海岸西至泰州興化縣界南至泰興縣界并江岸北至楚州鹽城界元豐九域志泰州周圍練僞吳以海陵置制置院僞唐改爲泰州興化縣周團練僞吳吳楊氏置海陵制置院南唐李氏升爲泰州興化縣南唐置泰興縣南唐置如皋縣南唐復置方輿勝覽唐初置吳州更海陵縣爲吳陵縣南唐升爲泰州相傳以爲取通泰之義爲名江南李主時廳壁記以海陵有屯田置海之饒因建爲泰州

小兒塚在州宅之東有墳數十江南初主本徐溫養子及僭號遷楊氏於海陵中主繼統用謀士宋齊邱計楊氏無男女少長皆殺之通鑑注南唐升海陵鎮爲泰州文獻通考泰州本唐揚州海陵縣南唐置州以揚州之興化楚州之鹽城二縣來屬周爲團練興化僞吳縣泰興僞唐縣如皋僞唐縣錦繡萬花谷續集西溪鎮聖果院有鼓相傳保大中海沙飄至

濠

吳

吳

南唐

南唐

有

五代會要顯德三年五月以渦口鎮爲鎮淮軍通鑑注去濠州九十里太平寰宇記州境東西二百六十里南北缺西北至東京一千一百五十里西北至西京一千五百七十里西北取虹縣路至長安二千三百七十里東至楚州四百二十里南至廬州三百三十里北至虹縣一百八十里東南至滁州二百三十里西南至壽州二百二十里西北渡淮取蘄州路至徐州四百六十里東北至盱眙縣二百二十里從縣至楚州一百九十里方輿勝覽乘龍洲去州二十里在淮水周世宗征濠夜遣兵持炬乘橐駝絕淮濠兵驚以爲鬼乘

龍也因以名洲斷梅谷周世宗征淮以荆塗二山乃濠  
州之朝岡有王者氣命斷之有梅族居此因曰斷梅山  
通

有世宗置

太平寰宇記州境東西一百二十五里南北六十五里  
西北至東京約二千里西北至西京約二千四百五十  
五里西北至長安約二千五百里南至振山及大江一  
至泰州三百五十里南至振山及大江一十五里北至  
泰州如皋縣界清水港五十里東南至海州下口海門  
縣界六十里西北至蒲堰南清水港如皋縣界六十里  
西北至石港場東大海一百五十里西南至海陵陸港  
南海中流六十里土產乾魴魚貢方輿勝覽運河周  
世宗命侯仁矩鑿渠四十里接泰州時被其利通鑑  
注今通州靜海縣南五里有狼山山外即大江絕江南  
渡舟行入十里抵蘇州界自江順流出大海海門在今  
通州海門縣界大江至此入海遵海東南則太湖入海  
之口舟行由此入太湖  
可以達常州之東洲

潤

吳

吳

南唐

南唐

南唐



南唐

太平寰宇記州境東西二百里南北一百六十五里西北至東京一千五百六十里西北至西京一千九百八十里西北至長安二千八百四十里東至蘇州二百里正南微西至湖州三百三十二里私路三百里南至宣州五百里西至潤州一百七十里北至揚州三百四十里東南至蘇州二百里西南至宣州二百里西北至潤州一百九十六里東北至蘇州屈曲三百六十一里又江陰軍本江陰縣僞唐昇元年中建爲軍以江陰縣屬焉皇朝因之軍境東西一百三十五里南北七十二里圖經上未述去二京里數果至蘇州常熟縣界七

十里西至常州晉陵縣界七十里南至常州無錫縣界  
七十里北至江垠二里至於江心泰州海陵縣界四十  
里元豐九域志偽唐以常州江陰縣置軍領縣一  
輿地廣記常州江陰南唐置江陰軍方輿勝覽江陰  
軍香灣十國紀年吳徐溫張可涼以江陰之兵敗吳越  
於香灣卽此通鑑注南唐始置江陰軍文獻通考  
常州唐武德三年以晉陵郡之江陰縣  
置暨州九年廢吳復以其地置江陰軍

宣

吳寧

吳

南唐

南唐

南唐

太平寰宇記州境東西四百六十里南北五百二十里  
西北至東京二千里西北至西京二千三百五十里西  
北至長安取潞州路三千一十里東至湖州三百八十  
里南至欽州三百八十三里西隔江至廬州六百四十  
三里北至潤州四百五十里東南至杭州四百九十六  
里西南至池州三百四十里東南至常州五百里西北  
至和州二百五十六里又廣德軍本宣州廣德縣僞  
唐保大八年改爲廣德制置皇朝太平興國四年建爲  
軍管廣德一縣軍境東西一百五里南北一百六十里  
新置軍未有至二京里數東至湖州長興縣一百四十



里西至宣州宣城縣一百二十里北至溧陽縣一百五十里東南至湖州安吉縣一百三十里西南至宣州寧國縣一百二十里西北至溧陽一百三十里南至宣州寧國縣一百二十里東北至常州義興縣一百八十里

又太平州本宣州當塗縣周世宗畫江爲界之後僞唐於縣立新和州又爲雄遠軍皇朝升爲太平州州境東西一百四十三里南北二百五十七里東至東京陸路一千七百里水路二千三百里西至西京陸路二千二百里水路二千八百五十里西至長安三千一百二十里東至昇州二百九十七里西至和州五十二里沂江二里南至宣州一百九十三里北至揚州四百里沂江八十里東南至宣州丹陽湖口與宣州分界一百五十里西南至池州四百一十里東北至溧水一百二十里西北至和州以采石江心爲界二十八里蕪湖縣陳平縣廢地屬當塗其實爲江津之要自唐武德已來爲鎮隸姑熟僞唐割宣城當塗二邑之地復置隸昇州國破隸宣州繁昌縣僞唐析南陵之五鄉立爲繁昌縣輿地廣記當塗唐屬宣州南唐置雄遠軍又蕪湖五代時析當塗縣置蕪湖縣屬宣州繁昌五代時析當塗復置屬宣州方輿勝覽宣州五代立新和州又爲雄

遠軍采石山曹彬大敗江南軍二萬於采石磯揭山在  
當塗西南楊行密攻趙鏐戰於此文獻通考宣州南  
唐分入江寧而此州領縣六又太平州本宣州地南  
唐于江寧當塗置新和州後改爲雄遠軍蕪湖南唐縣  
繁昌南唐縣有大江

歙 吳 南唐 南唐 南唐

太平寰宇記州境東西四百一十九里南北二百八十  
二里西北至東京二千一百七十里西北至西京二千  
二百二十五里取宣州路二千五百九十里西北至長  
安睦州大路四千八百五里取潤州路三千四百五十  
里東至杭州四百七十九里南至睦州遂安縣二百四  
十六里東至池州四百九十里北至宣州涇縣路二百  
九十三里東南至睦州三百七十里西北至饒州七百  
九十五里西北至宣州涇縣二百八十五里正北微東  
至宣州三百八十三里方輿勝覽歙州問政山唐于  
方外後入吳號問政先生羅願新安志歙縣黃墩地  
廣衍黃巢之亂中原衣冠避地者相與保於此歙縣問  
政之名見於碑記及豫章黃太史所書問政先生誥後

蓋其始因方外得名而祥符經云唐光化中有聶道士  
隱居於此刺史陶雅深所推重嘗訪以為政之要故名  
問政山恐於義未盡漢洞院在仁愛鄉富資里大中三  
年建此地初入險陁其中夷曠傍連簸箕山山上有昔  
人屯聚遺跡壞垣廢瓦可數百家其東披山亦然相傳  
黃巢亂時民相與保於此其稱為漢洞者當是漢末已  
嘗保聚如烏聊林厯山之類婺源源唐中和二年弦高鎮  
將汪武率百姓於要灘立營決遣鎮事天復元年就立  
婺源都鎮天祐三年武死以朱環為新縣制置巡轄婺  
源浮梁德興祁門四縣改舊縣為清化鎮吳南唐因之  
南唐昇元二年檢校司空劉津為都制置使乃集所轄四縣增築新城

鄂

吳昌武

吳

南唐

南唐

南唐

太平寰宇記州境東西九百二十九里南北三百八十  
八里北至東京一千四百一十里北至西京一千五百  
三十里西北至長安三千三百三十里東至江州六百  
里南至岳州七百里西至潯陽渡二里北至黃州二百  
八十五里東南至洪州水陸相兼一千九百三十八里  
西北至沔州北界漢江四里西南至沔州界七里東北

至蘄州五百里嘉魚縣舊鮎澆鎮僞唐昇爲嘉魚縣崇陽縣僞吳順義七年改爲崇陽僞唐爲唐年皇朝改爲崇陽其地唐末已屬淮南楊行密割據改爲崇陽縣梁於郡國志尙存其空名改爲臨夏縣後唐同光初復舊晉天福初改德江縣永安縣僞吳乾貞三年改爲永安場僞唐保大十二年復升爲縣與地廣記唐年朱梁改爲臨夏後唐復故名石晉天福初改爲臨江五代時置永安縣屬鄂州蒲圻五代時置嘉魚縣屬鄂州通山縣五代時置屬鄂州方輿勝覽郎亭山在樊山西路出武昌退谷中朱梁時朱友恭鑿山開道射以强弩遂拔武昌卽此文獻通考鄂州唐末屬湖南馬氏後入南唐置嘉魚永安通山三縣又大治南唐縣

昇

吳

吳

南唐

南唐

南唐

太平寰宇記昇州天祐十四年僞吳遣部將徐溫城之爲金陵府僞唐改爲江寧府因之建都西北至東京一千二百五十里北至西京一千七百里西北至長安二千里東至潤州一百八十里西至江北和州烏江縣五十五里北至江北揚州六合縣九十九里東南至常州安吉宜興兩縣爲界三百五十里南至宣州三百六十

里西南至太平州一百八十里東北至潤州一百九十五里西北至江北揚州宣化鎮四百里土產紋綾貢江寧縣天祐十四年五月以上元之南十九鄉割當塗之北二鄉徙置江寧縣卽上元縣爲理所東自太平橋街北水淮水與上元分界今凡二十二鄉是爲江寧縣理輿地廣記昇州五代時南唐李氏竊據升爲江寧府上元南唐置江寧府江寧南唐復析上元置江寧分治郭下銅官五代時置銅陵縣屬江寧府又廣德南唐屬昇州方輿勝覽昇州僞吳改爲江寧府又徐溫以金陵形勝戰艦所聚又樂官山南唐初下時諸將置酒樂人大慟殺之聚瘞此山故名景定建康志隋唐之間揚州嘗治建鄴而徙江都者亦暫爾至于五代僞吳楊行密雖以江都爲揚州而金陵實爲別都至僞唐又自廣陵而遷治金陵矣又天祐二年僞吳楊行密大城昇州建大都督府其子溥改爲金陵府治石晉天福二年建西都改爲江寧府治李昇晉位號南唐因卽居之江寧南唐割上元縣南十九鄉當塗北二鄉因舊名復置隸金陵府圖經云古縣治南臨浦水在城西南七十里實錄南唐在城西偏西卽吳治城東臨運瀆今天慶觀東卽其地今石城故基乃楊行密稍遷近南

夾淮帶江以盡地利其形勢與長干山連接赭山地極  
峻險臨平湖山之巔頗坦夷惟隻路可通舊傳五季之  
亂居民避難於上往往獲免後嗣山者常於其地獲銅  
錠劍器之屬芝山在溧水縣東南七十里高三十九丈  
周迴四十里上有李子洞燕洞相去三百步昔宣州田  
頽舉兵邑人攜老幼於此避難可容數千人李洞有泉  
沸湧燕洞有石燕遇雨則飛晴則還落爲石中江景福  
三年楊行密將臺濠作五堰拖輕舸饋糧五堰遺跡在  
今溧水縣界銀林雙河東壩之地青溪吳大帝赤烏四  
年鑿東渠名青溪通城北塹湖溝濶五丈深八尺以洩  
元武湖水發源鍾山而南流經京出今青溪開口接于  
秦淮及楊溥城金陵青溪始分爲二在城外者自城壕  
合于淮今城東竹橋西北接後湖者青溪遺迹固在但  
城內者悉皆堙塞惟上元縣治南迤邐而西循府治東  
南出至府學墻下皆青溪之舊曲水通秦淮而鍾山源  
久絕矣白鷺洲在城之西與城相望周迴一十五里開  
寶七年王師問罪江南曹彬等破南唐兵五千於白鷺  
洲卽此地建康府城周二十五里四十四步上濶二丈  
五尺下濶三丈五尺高二丈五尺內臥羊城濶四丈一  
尺皆僞吳順義中所築也六朝舊城在北去秦淮五里

故淮上皆列浮航緩急則徹航爲備吳沿淮立柵前史所謂柵塘是也至楊溥時徐溫改築稍遷近南夾淮帶江以盡地利城西隅据石頭岡阜之脊其南接長干山勢又有伏龜樓在城上東南隅秦淮柵卽柵塘也按實錄注吳時夾淮立柵又梁天監中作兩重柵皆施行馬至南唐時置柵如舊南唐宮卽皇朝舊府治中興修爲行宮百尺樓南唐宮中有百尺樓綺霞閣涵虛閣南唐後湖東宮園內見徐鉉集清涼廣惠禪寺南唐爲避暑宮有亭名不受暑南唐時跨有江淮鳩集典墳特置學官濱秦淮開國子監今鎮淮橋北御街東舊比較務卽其地又呂祖謙陳論唐末楊行密据有江淮旣死而李昇取之建都金陵以孫權自處使其有淮南諸郡則潤步高視東攻二浙西取湖南南取閩越南方莫強焉及淮南爲周世宗所取則自窘以至于亡亦失淮南則不能守江南之明驗也又南唐郊壇在梁故處在長樂鄉去城十二里今爲藏冰之所蔣帝廟在蔣山之西北去城一十二里南唐諡曰莊武帝更修廟宇徐鉉奉勅撰碑陳文毅公集上孝宗皇帝書臣嘗聞之鍾阜之僧亦能言臺城在鍾阜之側大司馬門當在今馬軍新營之傍耳其地據高臨下東環平岡以爲固西城石

頭以爲重帶元武湖以爲險擁秦淮青溪以爲阻是以  
王氣可乘而運動如意曹彬之登長干烏珠之上雨花  
臺皆俯瞰城市雖一飛鳥不能過也吳中水利書伍  
堰水利伍堰者自春秋時吳王闔閭用伍子胥之謀伐  
楚始創此河以爲漕運春冬載二百石舟向東則通太  
湖西則入長江自後相傳未始有廢至李氏時亦嘗通  
運而制牛於堰上挽拽船筏于固城湖之側又常設監  
官置廨宇以收往來之稅自是河道澁塞堰埭低狹虛  
務添置者十有一堰往來舟筏莫能通行而水勢遂不  
復西通鑑地理通釋李氏綱曰後唐李氏有淮南則  
可都金陵其後失之遂以削弱六朝事迹編類宋齊  
邱宅舊傳在鎮淮橋之北御街之東今南比較務是也  
其後又有南唐國子監又按湘山野錄云南唐李後  
主獵青龍山云云其山去城東二十五里又清涼廣  
慧禪寺舊傳嘗爲李氏避暑宮寺中有德慶堂今法堂  
前舊基是也後主嘗畱宿寺中故其詩有未能歸去宿  
龍宮之句德慶堂名乃後主親書文獻通考昇州吳  
爲金陵府南唐改江寧府置蕪湖銅陵繁昌三縣又以  
宣州之當塗廣德來屬尋以當塗  
爲雄遠軍復以池州之青陽來屬



池

吳

吳

南唐

南唐

南唐

太平寰宇記州境東西三百三十里南北二百四十二里西北至東京二千一百一十里西北至西京二千五百一十里西北至長安二千四百一十里東至宣州南陵縣界一百四十里西至江州五百里東至宣州南陵縣界一百五十里東南至歙州四百六十里西南至饒州五百八十里西至古潭中流與江州彭澤縣分界一百八十里正西微北渡江至舒州四百二十里南至歙州黟縣界二百十五里北至大江中流二十里與舒州桐城縣分界貴池縣舊秋浦縣蓋以秋浦之水為其名至偽吳順義六年改為貴池因舊地名建德縣偽吳順義初改為建德今復舊名輿地廣記池州五代時改秋浦為貴池有烏石山貴池至德五代時省後復置改為建德山谷詩外集注銅陵縣亦隸池州唐為銅官縣五代改銅陵文獻通考池州南唐為康化軍節度後為軍事以青陽隸江寧貴池隋秋浦縣吳改建德唐析鄱陽秋浦置至德縣隸饒州吳改今名銅陵南唐縣

饒

吳

吳

南唐

南唐

南唐

太平寰宇記州境東西四百五十里南北三百三十里  
西北至東京三千里北至西京三千三百二十里西北  
至長安三千一百三十里取隨州路二千七百里東至  
衡州九百九十二里西至洪州擔石湖中流為界一百  
七十里北至江州三百七十里南至撫州四百二十里  
東南至衡州須江縣青草洲七百八十五里西南至洪  
州南昌縣城子橋為界一百六十里西北至江州三百  
七十四里東北至歙州七百九十五里德興縣舊鄧公  
場監偽唐昇為德興縣四面皆水又永平監本饒州  
鑄錢之所偽唐立為監皇朝平江南因之不改輿地  
廣記饒州德興縣五代析樂平置屬饒州方輿勝覽  
南唐建饒州為永平軍通鑑注唐蓋置安化軍於饒  
州文獻通考饒  
州南唐置德興縣

信

吳

吳

南唐

南唐

南唐

太平寰宇記州境東西五百四十里南北四百五十里  
西北至東京二千四百里西北至西京二千八百二十  
里西北至長安三千六百三十四里取隨州路三千二  
百五十里東至衡州二百五十里南至撫州三百二十

里西北至饒州陸路五百里西北至建州五百四十里  
土產金貢鉛山縣按上饒記云出銅鉛青碌本置鉛場  
以收其利舊在寶山為唐昇元二年遷置鵝湖山郭水  
西鄧田坂即廨署是也至四年於上饒弋陽二縣析五  
鄉以為場後昇為縣皇朝平江南後直入朝廷輿地  
廣記信州鉛山縣五代時置文獻通考信州南唐置  
縣鉛山

江 吳 南唐 南唐

太平寰宇記州境東西五百九十里南北一百七十七  
里西北至東京陸路一千八百里水路三千一百五十  
里西北至長安二千七百六十里東至宣州一千八百  
里南至洪州三百二十五里西至鄂州七百里北至蘄  
州五百九十里東南至饒州三百七十四里西南至鄂  
州二百五十里東北至舒州水路五百七十里東北至  
池州五百八十里德化縣唐潯陽縣自州東移於今所  
偽唐改為德化縣彭澤縣偽唐昇元初又為浚州故城  
移向西四十里江次即今縣理德安縣本蒲塘場地偽  
吳順義七年昇為德安縣瑞昌縣本赤烏場地建中四

年以潯陽西偏僻遠因立為場偽唐昇元三年改為瑞昌縣湖口縣本湖口戊唐武德五年安撫使李大亮以為要衝遂置鎮在彭蠡湖口偽唐保大十一年升為東流縣又東流縣唐東流場偽唐保大十一年升為東流縣輿地廣記江州尋陽五代時改為德化歷陵五代時置德安縣屬江州有禹貢敷淺原瑞昌縣五代時置屬江州有王喬山清虛玉華洞湖口縣五代時置屬江州盧循之敗悉力柵左里宋武帝攻其柵循單舸走衆皆降卽彭蠡湖口今縣是也東流縣五代時置屬江州方輿勝覽江州南唐為奉化軍節度又偽吳以其地立星子鎮通鑑地理通釋廬山東白鹿洞唐李渤之隱居南唐創書院文獻通考江州南唐為奉化軍節度置瑞昌湖口東流三縣德化唐潯陽縣南唐改東流南唐縣

洪

吳鎮南

吳

南唐

南唐

南唐

太平寰宇記州境東西一千六百一十五里南北一千一百五十六里西北至東京二千三百二十里西北至西京二千二百七十里西北至長安三千八百里取隨州路二千七百五里東至吉州陸路五百二十里東至

衢州界一千四百里西至潭州界隔山不通陸路取袁  
州至潭州總一千二百里南至吉州界五百三十里北  
至宣州一千七百里東南至撫州二百二十里西南至  
袁州三百二十五里西北至江州二百二十五里東北  
至饒州水路四百四十里奉新縣舊新吳縣偽唐割據  
江南改為奉新縣陸游南唐書昇元二年八月戊寅  
升洪州淵灘鎮為靖江縣不隸州輿地廣記新吳五  
代時改為奉新縣靖安縣五代時置有藥玉山方輿  
勝覽唐後避代宗諱止稱章郡加鎮南節度南唐遷都  
南昌又臨江軍文獻通鑑地理通釋避寇而徙都  
未有能復振者李景自秣陵徙於豫章而不振文獻  
通考洪州南唐以高安屬筠州又置靖安縣奉新唐新  
吳縣南唐改

撫  
吳  
南唐  
南唐  
南唐

太平寰宇記撫州偽吳順義九年升為昭武軍節度州  
境東西四百七十八里南北六百三十七里西北至東  
京二千一百里西北至西京二千五百里西北至長安  
三千三百五里取隨州路二千九百二十五里東至饒

州餘千縣三百二十里南至虔州一千一十里西至吉  
 州四百二十五里北至洪州二百四十里東南至建州  
 八百三十七里西南至吉州四百五十里東北至饒州  
 四百二十里西北至洪州四百五十里宜黃縣乾德六  
 年李煜割崇仁之仙桂崇賢待賢三鄉復立宜黃縣金  
 谿場本臨川縣上莫鎮其山崗出銀礦唐朝尚為銀礦  
 基址猶存周顯德五年析臨川近鎮一鄉併取饒州餘  
 干白馬一鄉立金谿場置鑪以烹銀礦又建昌軍本  
 撫州南城縣開寶二年偽唐置建武軍皇朝太平興國  
 四年改為建昌軍軍境東西一百四十里南北一百二  
 十里圖經未有至東西二京里數東至邵武軍三百二  
 十八里南至南豐縣一百一十八里西至崇仁縣一百  
 里北至撫州一百五十里東南至邵武軍三百七十四  
 里西南至崇仁縣二百五十里西北至崇仁縣一百  
 二十里東北至饒州五百九十里輿地廣記撫州南  
 唐析置建武軍南城縣南唐置軍方輿勝覽撫州唐  
 末五代偽唐升南城縣為建武軍文獻通考  
 撫州吳昭武軍節度南唐以南城置建武軍

袁

吳

吳

南唐

南唐

南唐

太平寰宇記州境東西五百二十六里南北二百二十五里東北至東京二千五百八十里西北至西京三千七百一十一里西北至長安三千九百七十一里東至洪州水路七百四十里南至吉州三百一十里西至潭州五百二十六里北至洪州五百二十里東南南至吉州三百二十里西南至潭州界二百三十里西北至潭州界五百二十六里東北至洪州界四百八十里

吉

吳

吳

南唐

南唐

南唐

太平寰宇記州境東西四百二十里南北六百九十二里北至東京二千八百四十三里水路四千七百十二里西北至西京二千七百九十五里西北至長安三千六百五里取隨州路三千二百二十五里東至撫州五百二十五里南至洪州五百三十里東南至虔州八百八十四里西至衢州九百一十里西北至撫州四百五十里西北至袁州三百二十里土產籐貢龍泉縣本吉州太和縣龍泉鄉什善鎮地僞唐保大元年析龍泉光化遂興和屬等四鄉置龍泉場以鄉爲名採擇材木之故

也顯德七年昇爲縣 輿地廣記吉州龍泉縣五代時  
置屬吉州 文獻通考吉州南唐置龍泉縣有龍泉江

虔

吳

吳

南唐

南唐

南唐

五代會要虔州後唐長興二年八月升爲昭信軍節度  
太平寰宇記虔州後唐長興二年升爲昭信軍節度  
州境東西八百七十里南北一千五百里東北至東京  
三千三百里西北至西京三千五百里西北至長  
安四千一百二十五里取隨州路三千一百四十五里  
東至汀州一千二百里東至建州隔越黃土嶺總一千  
八百二十里南至循州隔越參溪石嶺總一千五百里  
西至郴州一千一百里北至吉州四百二十里東南至  
潮州一千五百六十七里西南至韶州隔大庾嶺陸路  
五百五十五里水路七百六十八里西北至吉州三百  
六十四里東北至撫州一千一十里瑞金縣本瑞金場  
淘金之地僞唐升爲縣石城縣本石城場僞唐爲石城  
縣上游縣本南康縣地僞吳天祐年中析南康縣之一  
鄉半爲場僞唐壬子歲改爲縣龍南縣本信豐地僞吳  
武義中析信豐順仁鄉之新興一里爲場壬子歲僞唐  
改爲縣 輿地廣記虔州後唐長興二年升爲昭信軍



節度瑞金縣本零都縣地唐天祐元年置瑞金監後升  
為縣屬虔州有銅鉢山綿江石城縣五代時置屬虔州  
龍南縣本漢南野縣地五代時置屬虔州有聶都山  
海經曰顓水出聶都山即此上猶縣五代時置屬虔州  
有猶水 文獻通考虔州後唐為昭信軍  
節度南唐置瑞金龍南石城上猶四縣

筠

南唐

李景

南唐

南唐

太平寰宇記州境東西四百八十五里南北一百七十  
里新置州未有至二京及長安里數東至洪州一百五  
十里水路二百四十里西至潭州四百三十里南至吉  
州三百三十里北至洪州奉新縣一百五里東至洪州  
豐城縣一百三十里東北至洪州南昌縣一百五十五  
里西北至洪州武寧縣五百九十里西南至袁州新喻  
縣三百二十里土產南燭子貢 輿地廣記筠  
州自唐以前地理與洪州同南唐李景置筠州

建

閩

閩

南唐

南唐

南唐

太平寰宇記建州州境東西  
西北至東京二千九百三十里西北至西京三千

八百三十五里西北至長安四千六百九十五里東至處州九百七十六里貞元略云九百里南至福州七百二十里貞元略云七百七十里西北至撫州八百三十里西北至信州五百四十里北至衢州一千一百里西南至汀州二千四百七十里貞元略云一千五百里西北至饒州二千四百里東北至衢州一千一百里松溪鎮焉偽唐保大中得閩地閩越之界戍兵所屯號松溪鎮焉偽唐保大中得閩地因爲縣取舊鎮爲名其界松溪源自處州龍泉縣東北流入自縣正西合於建安縣界崇安縣僞唐保大九年割爲場邵武縣唐隸建州晉天福初改爲邵武縣漢初復舊歸化縣本將樂縣地古之金城場唐末於此立歸化鎮後以去郡遙遠民難輸納戶口稍滋僞唐保大三年立爲場至顯德五年改爲縣屬建州其去撫州南豐縣三百里去建州六百里建寧縣唐永寧鎮僞唐升爲場至建隆二年僞唐升爲縣元豐九域志建州僞閩建武軍節度僞唐改永安軍又改忠義軍後降軍事地里東京三千五百里東至本州界一百八十里自界首至處州六百二十里西至本州界一百六十里自界首至南劍州一百里南至本州界九十七里自界首至南

劍州六十五里北至本州界三百里自界首至信州一百里東南至本州界三百五十里自界首至福州五百八十里西南至本州界八十里自界首至南劍州一百三十里東北至本州界四百七十里自界首至衢州二百六十里西北至本州界一百八十里自界首至邵武軍七十里興地廣記建州唐末爲閩王氏所有升鎮武軍節度石晉時入南唐改永安軍又改忠義軍後降軍事松溪縣五代時置有松溪歸化縣南唐置屬建州方輿勝覽唐末爲閩王所有改鎮安軍又改鎮武軍南唐改永安軍又改忠義軍又邵武軍隋立邵武縣屬撫州唐屬建州石晉復爲昭武縣劉漢又改爲邵武縣皇朝陞爲邵武軍又菴山在嘉禾縣東南十五里舊志後唐時有處士姓石名湖結菴此山因名庇民廟在嘉禾縣東三步神姓李第三僞閩時王從珂舉兵侵州境李嘗率義兵拒守授銀青光祿大夫檢校太保領嘉禾縣崇樂鎮公事以戰歿葬於水南之後坂淳熙三山志王延政僭號於建州國號殷以將樂爲鏞州延平鎮爲鐔州通鑑注建州有崇安縣在州北二百五十里亦王氏所置也宋白曰崇安場本建陽縣東北三里南唐保大九年割爲場蓋宋方置縣也文獻通考建

州閩王氏為鎮武軍節度增松溪縣南唐  
改永安軍又改忠義軍置歸化建寧二縣

汀

閩

閩

南唐

南唐

南唐

太平寰宇記州境東西五百里南北四百里東北至東  
京五千七百七百里西北至西京五千三百里西北至長安  
六千一百九十五里東至龍溪縣二千四百五十里南  
至潮州一千三百里若至潮中管下程鄉縣界一千三百  
西至虔州雩都縣界九百里虔州一千二百里東南至  
漳州廢懷恩縣界一千五百里北至撫州南豐縣一千  
六十里西南至潮州程鄉縣界八百里西北至撫州南  
豐縣一千六十里東至建州一千五百里  
六十里東北至建州一千五百里  
未為閩王氏所有石晉時附南唐後改南州方輿勝  
覽汀州王緒陷汀漳二州不能而有而王潮又陷福建汀  
等州潮卒其弟審知據有其地文獻通考汀州閩以  
沙縣屬南建州

劍

南唐

李景

南唐

南唐

太平寰宇記南劍州州境東西六百二十里南北七百  
里北至東京三千五百六十五里北至西京三千九百  
八十五里東北至長安四千七百一十五里東至福州  
古田縣界三百五十里西至建州將樂縣界二百七十  
里南至泉州德化縣六百九十里北至寅仙山一十里  
其山自古以來北面險峻鳥道不通人過東北至建州  
一百五十里西北至小路大山無路東南至古田縣一  
百三十五里西南至漳州龍巖縣五百里去州界七百  
三十里 輿地廣記劍  
州尤溪縣南唐時來屬

漳

閩

閩

南唐

雷從

南唐

雷從

南唐

雷從

太平寰宇記州境東西四百里南北五百里西北至西  
京六千九百八十五里西北至東京六千五百七十里  
西北至長安七千四百五十五里東至大海一百五十里南  
至大海一百六十二里西至大海二百八十里西至潮  
州五百六十里西北至汀州九百里北至建州二千四  
百里東南至黃如江一百里西南至廢懷恩縣界一百  
里西南至潮州四百八十里西北至召腔溪一百五十  
里東北至泉州六百里 輿地廣記漳州唐末爲閩王



貞元十九年析南安縣南界四鄉置大同場福州僞命  
己亥歲升爲同安縣永春縣唐長慶二年析南安縣西  
界兩鄉置桃溪場福州僞命壬寅歲改爲永春縣清溪  
縣唐咸通五年析南安縣界西南兩鄉置小溪場江南  
僞命乙卯歲升爲清溪縣德化縣元屬福州僞命日置  
庚戌年歸當州又長泰縣本屬泉州唐乾符三年析  
大同場西界六里置武德場江南僞命乙卯歲升爲長  
泰縣與地廣記泉州唐末爲閩王氏所有石晉時附  
於南唐升清源軍節度同安縣晉屬晉安郡後省五代  
復置永春縣五代置有石鼓山清溪縣五代置有廬山  
溪水德化縣五代置有靈馨山長泰縣五代置屬泉州  
陸游南唐書保大七年十二月升泉州爲清源軍  
方輿勝覽泉州唐末爲王潮王審知所有旣而畱從効  
據漳泉二州南唐升泉州爲清源軍以從効爲節度使  
又稱藩於周從効卒李煜授陳洪進清源節度使又  
茅亭陳洪進宴遊之所太師橋在同安之東畱從効用  
石架陳洪進嗣成之淳熙三山志漢乾祐三年以德  
化歸泉州通鑑注九域志泉州有桃林溪畱從効所  
居之地又九域志同安縣在州西一百三十里蓋王  
氏所置也又九域志泉州故陳洪進所據也州之便廳

至今郡守不敢登廳階常有劍影極分明障之不能掩  
削之不能去郡人神而畏之屋今敝甚而不敢葺近城  
法石寺洪進墓在焉文獻通考泉州閩王氏置同安  
清溪永春德化長泰五縣南唐為清源軍節度永春閩  
桃源縣

福

閩武

閩

吳越

吳越

吳越

五代會要貞明六年八月勅升福州為大都督府太  
平寰宇記州境東西五百一十里南北二百三十里西  
北至東京六千二百里西北至西京六千六百五里山  
北至長安七千二百九十五里東南至大山六百里山  
外至海貞元略云東至温州水路一千八百里南至海  
二百里南至泉州三百七十里西至大山八百里即處  
州雲都縣界北至大山四十里山外至温州界東南至  
海一百六十四里西南至泉州五百里西北至汀州一  
千二百里西北至建州七百二十里貞元略云六百  
里東北至温州水路一千四百七十八里福清縣唐福  
唐縣朱梁改為永昌縣後唐同光初復舊晉天福初改  
南臺縣後復舊今為福清縣永貞縣唐羅源場長興四



年改爲永貞縣寧德縣唐開成年中割長溪古田兩鄉  
置感德場續改爲縣輿地廣記福州唐末爲閩王  
所據石晉時入吳越後唐改彰武軍福清天保元年改  
爲福唐朱梁改爲永昌後唐同光初復故名晉天福初  
改爲南臺後復故後更今名羅源縣本永貞五代置寧  
德縣五代置有大海淳熙三山志王延鈞長興四年  
僭號改元龍啟升爲長樂府縣十四是歲以羅源場爲  
羅源縣感德場爲寧德縣歸化場爲歸化縣建州永順  
場爲順昌縣咸屬延政稱閩王以福州爲東都領州七  
縣十三是歲析出順昌漢乾祐元年李仁達舉國歸吳  
越縣十一是歲析出順昌漢乾祐元年李仁達舉國歸吳  
年仍舊永隆三年改爲天福六年又爲長興四年改爲長樂  
僞閩龍啟元年改爲閩興以長樂爲侯官三年皆復舊  
孝成里新道玉山宿猿洞之西南僞閩望祀之所長樂  
僞閩龍啟元年改爲侯官縣三年仍舊永隆三年改閩  
縣爲長樂長樂爲安昌明年仍舊福清梁開平二年改  
爲永昌唐同光元年復爲福唐僞閩龍啟元年改爲福  
清或曰晉天福初改爲南臺縣考未見拜井里閩王審  
知築占計洋鑿無水拜而得之寧德僞閩龍啟元年升  
爲縣太平里城北十國紀年王延翰葬閩縣太平山卽

太平地藏也懷賢里十國紀年葬夫人伍氏於閩縣鳳  
池山後忠懿王亦葬焉今鳳池寺山也唐同光三年改  
葬永福山卽遵化里蓮華山也後唐賜神道碑張文寶  
撰王氏在閩者無噍類今惟甥劉氏歲時祀之靈運里  
桐口僞閩通文四年王昶奔至梧桐嶺子城王氏國閩  
壁壘翳山接櫓庇馬城益堅緻矣乾寧四年王潮築永  
平城乾化二年審知築內城恐卽此城東南定安門閩  
王審知作東康泰門梁乾化二年八月十九日閩王作  
羅城唐天福元年王審知創築羅城四十里舊記云五  
十二里設大門及便門十有六水門三舊有觀察判官  
劉潞作脩羅城碑在利涉門外西北安善門閩王王審  
知作上有樓夾城南寧越門雙門閩王審知作名登庸  
以協郭璞遷城之識長興二年延鈞改爲閩光嚴侍御  
辟疆更今名西湖在州西三里蓄水成湖可蔭民田僞  
閩又益廣之迤邐南流接城西大濠直通南蓮池父老  
相傳閩時湖周四十餘里築室其上號水晶宮時攜後  
庭遊不出莊陌乃由子城複道跨羅城而下不數十步  
至其所今宮跡猶存民田其上而湖盡爲民田及菱池  
矣廟學梁龍德元年忠懿王置四門學以招徠四方之  
秀吳越時作新宮號四學龍德外湯院地多煥泉數十

步必一穴或迸河渠中味甘而性和熱勝者氣如硫黃能熱躑鴟旱潦無增減僞閩天德二年古城遣其國相金氏婆羅來道里不時徧體瘡疥訪而沐之數日卽瘳乃捐五千緡創亭其上仍售田鳩僧以司之通鑑注福州有福清縣在州東南一百七十七里王氏所置也文獻通考福州閩王氏置寧德縣南唐得尤溪以屬劍州晉末地入錢氏

杭

吳越鎮海

吳越

吳越

吳越

吳越

太平寰宇記州境東西六百七十里南北九十里東北至東京二千八百里西北至西京二千五百里西北至長安三千四百里東至蘇州三百九十里南至越州一百三十里北至湖州一百九十里東南至思俗山至越州總一百七十里又云渡浙江一百三十里西南至睦州三百一十五里西北至宣州四百九十六里東北至蘇州三百六十九里東北至浙江入海處一百里土產乾地黃牛膠藤紙蜜乾薑已上貢錢塘縣晉天福初改爲錢江縣尋復舊臨安縣唐臨安縣梁開平二年改爲安國今仍復舊昌化縣本唐唐山縣梁改爲金昌縣後唐

同光初復舊晉改爲橫山縣後復舊新城縣朱梁改爲  
新登皇朝太平興國四年改爲新城復舊名吳越備  
史開平二年秋八月勅升杭州越州等爲大都督府  
又開平二年秋八月勅改杭州唐山縣爲金昌縣元  
豐九城志僞唐以杭州安國縣建衣錦軍領縣一與  
地廣記杭州五代爲吳越王錢氏所有錢塘縣五代時  
晉改爲錢江後別置錢塘縣仁和王朝太平興國四年  
改曰仁和臨安吳越王錢鏐其縣人也鏐既貴以素所  
居營爲安國衣錦軍鏐歸宴故老山林皆覆以錦梁改  
臨安曰安國縣以尊之新城梁改曰新登唐山梁改曰  
金昌唐同光初復故名晉改爲橫山方輿勝覽臨安  
府慈雲嶺在上錢王郊壇西湖蘇子瞻脩西湖奏狀  
錢氏置撈湖兵士千人日夜開浚撫掌泉相傳錢武肅  
王至宮撫掌而泉湧因以爲名乾道臨安志朱梁開  
平元年以新城爲新登以梁太祖父諱改城曰登二年  
改臨安爲安國四年改唐山爲金昌龍德三年析錢塘  
鹽官地置錢江與錢塘分治城下後唐同光初復金昌  
爲昌化石晉改爲橫山又以爲吳昌五代之亂錢氏有  
兩浙幾百年號吳越國又通鑑景福二年錢鏐發民  
夫二十萬及十三都軍士築杭州羅城周七十里南門

日龍山東門曰竹車南土北土保德北門曰北關西門曰涵水西關城中又有門曰朝天門曰炭橋新門曰鹽橋門望湖樓一名看經樓乾德五年忠懿王錢氏建去錢塘門一里錢鏐杭州羅城記大凡藩籬之設者所以規其內溝洫之限者所以虞其外華夏之制其揆一焉故魯之祝邱齊之小穀猶以多事不時而城況在州郡之內乎自大寇犯闕天下兵革而江左尤所繁併余始以郡之子城歲月滋久基址老爛狹而且卑每至點閱士馬不足迴轉遂與諸郡叙議崇建雉堞夾以南北轟然而峙帑藏得以牢固士馬得以帳幕是所謂固吾圉以是年上奏天子嘉以拙政優詔獎飾以爲牧人之道其盡此乎俄而孫儒叛蔡渡江侵我西鄙以爲牧人逐蹶於宛陵勁弩之次泛舟之助我有力量焉後始念子城之謀未足以爲百姓計東晒巨浸轉閩粵之舟櫓北倚郭邑通商旅之寶貨苟或侮劫之不意攘偷之無狀則向者吾皇優詔適足以自策由是復與十三都經緯羅郭上上下下如響而應爰自秋七月丁巳訖於冬十有一月某日由北郭以分其勢左右而翼合於冷水源綿亘若干里其高若干丈其厚得之半民庶之負販童髦之緩急燕越之車蓋及吾境者俾無他慮千百年後知

我者此城罪我者亦以此城苟得之於人而損之已者  
 吾無媿歟咸淳臨安志梁開平四年錢武肅始築捍  
 海塘在候潮通江門之外潮水晝夜衝激板築不就因  
 命強弩數百以射濤頭又致禱於胥山祠仍爲詩一章  
 函鑰置海門山詩云爲報龍王及水府錢江借取築錢  
 塘旣而湖水避錢塘東擊西陵遂造竹落積巨石植以  
 大木隄岸旣成久之乃爲城邑聚落凡今之平陸皆昔  
 時江也鳳凰山其右山巔石筍林立最爲怪奇舊傳錢  
 武肅王鑿山見怪山排列兩行如從衛拱立趨向因名  
 排衙石及刻詩石上虎林山在太一宮高士堂後有小  
 土阜上有亭曰武林或曰一名虎林山按高士楊守質  
 記亭始末謂嘗訪之者舊知錢氏有國時此山窠在郭  
 外叢薄蒙密異虎出焉故得名爲虎林吳音承訛轉虎  
 爲武耳功臣山在臨安縣南一里本名大官山唐昭宗  
 詔改錢鏐所居大官山爲功臣山屠山在富陽縣之西  
 南五十餘里有寺號大雄禪月昔吳越王至于山下欣  
 然而止有怪石故菴在寺之東偏巖嶺在於潛縣北五  
 里五季中錢氏以日者言其地有王氣命鑿之鮑家田  
 在錢塘門外東山術之北有玉泉水灌漑吳越相鮑君  
 福賜田於錢塘至今名焉鐵幢浦在今便門側土人相



傳云吳越王射潮箭所止處嘗立鐵幢因以名之又有  
閭諸錢氏子孫者謂錢王築塘時高下置鐵幢凡三以  
衛水此則其一也新城縣杜公井太師杜稜所開賊圍  
之城中立至城以不陷人目爲杜公井千秋堰在餘杭縣  
東南二里會昌二年廢吳越王復置碧波亭晏元獻公  
輿地志云在子城北門外五代史載錢氏大閱兵於碧  
波亭亭臨水面濶數丈中和堂錢武肅王閔禮堂舊址  
吳越錢武肅王廟在錢塘門外方家峪寶藏寺之左錢  
氏五王皆祠焉吳越錢文穆王廟吳越備史云天福七  
年十二月以龍山武功堂爲文穆王廟吳越廟表忠觀在城南  
龍山熙寧十年守趙清獻公以錢氏墳廟蕪廢請於朝  
卽龍山廢佛刹妙因院爲觀俾錢氏之孫爲道士曰自  
然者首居之仍歲度其徒一人以供灑掃詔賜額曰表  
忠詳具蘇公所撰碑梁太保饒京墓在昌化縣金山鄉  
首源京本青州淄水人梁末爲鎮海軍紫溪鎮遏使龍  
德元年制贈太保吳越武肅王墓在臨安縣城北十三  
步吳越文穆王墓在龍山之南原和凝撰神道碑吳越  
忠獻王墓在龍山之南原太常卿張昭撰神道碑吳越  
繡萬花谷前集臨安志錢鏐墓故宅山林皆蒙以錦故

有錦谿又有石鏡鏐照之鏡起而聳 文獻通考杭州臨安唐縣梁時吳越王奏置衣錦軍

越

吳越鎮

吳越

吳越

吳越

吳越

太平寰宇記州境東西二百三十二里南北四百四十  
七里東北至東京二千四百五十里西北至西京二千  
八百七十里東至明州二百七十里西至杭州一百三  
十里南至台州天台縣關嶺一百三十六里北至海與  
蘇州分界一百三十里東南至台州四百七十五里西  
南至婺州三百九十里東北至九江海際三百九十八  
里土產緋紗磁器越綾已上貢新昌縣唐末錢鏐割據  
錢塘時以去溫州之道路悠遠此地人物稍繁且無館  
驛乃析剡縣一十三鄉置新昌縣與地廣記新昌縣  
本剡縣地五代時置新昌縣屬越州有沃洲水方輿  
勝覽越州西興渡在蕭山縣西十二里吳越武肅王以  
非吉語改今名施宿會稽志西陵城在蕭山縣西一  
十二里皮光業吳越武肅王廟碑云漁浦龜石翼張下  
營蕭山西陵鱗次列砦則西陵卽王屯兵之所今城基  
在明化寺之南居民猶有得其斷磚遺甃者初武肅王  
既都錢塘僭名西都以爲西陵非吉語遂改西興云



又所謂贍都鎮疑卽剡鎮也然以剡爲贍又天慶觀有錢氏時東都公移稱兩都都軍糧帖檢先據贍縣奏云云錢氏僭稱杭州西都越爲東都據此則錢氏嘗改剡爲贍矣疑因古語有兩火一刀之說惡其不祥改爲豐贍之贍理或然也又新昌縣本剡縣地唐末錢氏析十三鄉置新昌縣後又併其鄉爲八在府東南二百二十里東西八十里南北一百五十里五代之亂錢氏有國私置丞相以下官惟此邦人士恥之多自抑退無爲其國顯仕者張湜會稽續志錢鏐後又以越爲會稽府以州爲府不得其時鏐孫曾判會稽府亦不知在何時剡錄嵎縣東一百步爲剡鎮出舊經今廢邑民於縣西惠安寺前池內得一石題曰贍都鎮又曰當鎮奉勅旨重開河池以防火燭已丑歲二月日間北淨池天慶觀有錢氏時東都文移蓋稱杭爲西都越爲東都此鎮卽是剡鎮錢氏有所更易耳會稽三賦注唐末錢鏐兼兩藩節制時升爲大都督府領縣八會稽山陰剡諸暨蕭山餘姚上虞新昌也皇朝因之文獻通考越州晉時吳越王元瓘奏置新昌縣

蘇

吳越

吳越

吳越

吳越

吳越

太平寰宇記州境東西三百二十五里南北三百里東北至東京二千六百里東北至西京三千一百里西北至長安三千三十里東至海三百六十里正西微南至州三百七十里南至杭州三百七十里西至常州宜興縣界一百三十二里北至常州二百里東南至海岸山四百五里西南至湖州二百二十里西北至常州一百九十五里東北至海州三百三十里東至常熟界三百二十九里元豐九域志蘇州僞唐為中吳軍節度與地廣記蘇州南唐升為中吳軍節度吳郡圖經續記自錢武肅分蘇以為秀州用自屏蔽其隸蘇者吳長洲崑山常熟又分吳縣為吳江台五邑而已又錢氏時嘗置都水營田使以主水事募卒為都號曰撩淺蓋當是時方欲富境禦敵必以是為先務廣陵王元璩別宅舊與南園相近又廣陵王元璩墓在橫山研北雜志金谷園吳越錢氏時廣陵王元璩所作今朱氏樂圃是其地吳郡志郊倚水利書曰浙西昔有營田司自唐至錢氏時來源去委悉有隄防堰開之制旁分其支脈之流不使溢聚以為腹內畝畝之患是以錢氏百年間歲多豐稔唯長興中一遭水耳又婁縣在崑山縣東北三里一村落也蓋崑山舊治或云在漢為

卷之二十一 地理  
吳地記  
嚳縣後避錢鏐諱改崑山案吳志張昭拜輔吳將軍封  
婁侯則縣之為婁舊矣漢書云改於王莽時  
後集平江軍太平興國二年錢氏改  
號文獻通考後唐為中吳軍節度

湖

吳越

吳越

吳越

吳越

吳越

宣德

五代會要湖州周顯德二年六月升為宣德軍節度從  
兩浙錢宏俶奏也 太平寰宇記州境東西三百五里  
南北二百七十里西北至東京二千一百八里西北至西  
京二千六百七十里西北至長安三千二百四十里東至蘇  
州二百一十里南至杭州一百九十里西至杭州三百  
八十七里北至蘇州三百八十七里東南至杭州三百  
縣一百七十二里西北至杭州一百九十里西南至宣  
州界二百六十一里西北至常州三百三十二里 元  
豐九域志湖州周宣德軍節度輿地廣記湖州周升  
為宣德軍節度長城梁避廟諱改曰長興 文獻通考  
湖州周為宣  
德軍節度

溫

吳越

吳越

吳越

靜海

吳越

吳越

五代會要溫州晉天福四年八月升爲靜海軍節度從  
兩浙錢元瓘奏也太平寰宇記溫州天福四年爲靜  
海軍節度使從錢元瓘之奏請州境東至大海西入十  
七里南北三百里西至東京陸路三千四百八十里水  
路四千三百三十里西至西京陸路三千九百三十里水  
路四千九百三十里西至長安陸路四千七百三十里水  
球國南至福州水路相承一千八百里西至處州三百  
六十七里北至台州五百里東南至橫陽縣界將軍嶺  
去縣二百一十五里西南至建州桐廬山去橫陽縣三  
百五十里西北至處州三百五十里東北至台州泛海  
行五百里土產蠶紙貢元豐九域志溫州晉靜海軍  
節度輿地廣記溫州石晉升靜海軍節度橫陽朱梁  
改曰平陽安國五代時改曰瑞安樂城五代時改曰樂  
清方輿勝覽唐後建靜海軍使南鴈蕩在平陽縣北  
自穹嶺南施嶺西五十里間皆鴈蕩爲名也錢越王與  
僧願齊同參詔國師於天台願齊游永嘉禮智覺真身  
聞平陽明王峯頂有鴈蕩山天晴則鐘梵相聞杖錫尋  
訪喜曰此山水盡處龍鴈所居豈非西域書所謂諾矩  
羅震旦鴈蕩龍湫者耶結茅其間黃冕仲曰觀此則平

陽鴈蕩五代時已著文獻通考溫州晉為靜海軍  
節度樂清唐樂城縣梁時改平陽唐橫陽縣梁改

台

吳越

吳越

吳越

吳越

吳越

太平寰宇記州境東西三百九十里南北三百九十里  
西北至東京一千九百二十五里西北至西京三千二  
百四十五里西北至長安四千五百里東至海際一百  
八十里南至海州五百里西至處州四百五十里北至  
越州五百里東南至大海二百九十三里西南括蒼山  
足七十里極大山西北至婺州六百一十二里東北至  
明州象山縣東岬門山四百六十里極大海天台縣唐  
唐興縣梁改為天台縣後唐同光初復舊晉天福初改  
為台興縣今為天台縣吳越備史開平二年秋八月  
勅改台州唐興縣為台興縣輿地廣記台州唐興朱  
梁改為天台後唐復故石晉改為台興樂安五代時改  
為永安赤城志梁開平二年改唐興為新興錢氏寶  
正五年改樂安為永安後唐同光初改新興復為始豐  
晉天福中改台興建隆初復為天台按天台縣經曰梁  
時已改曰天台攷五代史無之文獻  
通考台州天台唐唐興縣梁改今名

明

吳越

吳越

吳越

吳越

吳越

太平寰宇記州境東西一千九百五十里內一千八百  
人大海與新羅接界南北三百六十里內二百三十五  
里接大海西北至東京二千六百八十里西北至西京  
三千二百五十五里西北至長安三千八百五里南至  
台州寧海縣水行一百八十里從縣西南至台州二百  
五十里都四百三十里西至越州餘姚縣一百七十里  
北至越州餘姚縣界海際水行一百八十里東南至海  
中嵎門山四百里與台州象山縣分界西南至穆昭嶺  
一百七十里與越州剡縣接界西北至越州界一百七  
十里至越州二百七十里東北至大海岸浹口七十里  
從海際浹口往海行七百五十里至海中檢山土產大  
蝦米舊貢元豐九域志明州梁置望海軍興地廣  
記明州朱梁升爲望海軍節度鄧五代時改曰鄞縣  
王臨川集上杜學士言開河書鄞之地邑跨負江海  
有所去故人無水憂而深山長谷之水四面而出溝渠  
滄川十百相通長老言錢氏時置營田吏卒歲復治之  
人無旱憂寶慶四明志明州望海軍國朝會要唐浙  
東觀察使錢鏐置望海軍鄞興地廣記云五代時改鄞

爲鄞通鑑天禧元年詔放慈溪鄞縣陂湖課額此縣爲鄞之證也寰宇記成於太宗皇帝時尙稱鄞縣則鄞之改鄞當在太宗之後矣會要紀州縣升降獨不及此豈寰宇記誤乎考吳越備史錢氏時改稱鄞縣今姑以輿地記爲據

處

吳越

吳越

吳越

吳越

吳越

太平寰宇記州境東西五百四十里南北六百一十里西北至東京三千五百五里西北至西京三千九百二十五里西北至長安四千一百五十五里東至台州四百五十里西至衢州四百五十里北至婺州二百五十里東至建州浦城縣七百四十五里西北至衢州四百五十里

衢

吳越

吳越

吳越

吳越

吳越

太平寰宇記州境東西一百二十二里南北二百五里東北至東京二千七百一十五里西北至西京三千一

百三十五里西北至長安三千九百里東至婺州一百  
九十里南至處州三百五十里西至饒州九百九十二  
里東南至處州三百六十里西南至建州一千一百里  
西北至饒州二百一十九里東北至睦州二百一十九  
里信安縣唐末錢鏐割據時改爲西安江山縣唐須江  
縣錢氏改爲江山龍游縣唐置龍邱縣屬婺州垂拱二  
年屬衢州錢鏐改爲龍游開化縣本常山縣地錢鏐割  
據時析常山人鄉置開化縣輿地廣記衢州須江五  
代時改爲江山龍邱五代時改爲龍游通鑑注吳越  
界西南盡衢州文獻通考衢州江山唐須江縣錢王  
改龍游唐龍邱縣錢王改

婺

吳越

吳越

吳越

吳越

吳越

太平寰宇記婺州晉天福四年升爲武勝軍節度使皇  
朝因之州境東北二百四十一里南北二百六十里西  
北至東京二千六百二十里西北至西京三千三百五  
里西北至長安三千八百九十五里東至越州四百八  
十里南至處州二百八十八里西至衢州一百九十二  
里北至睦州一百八十里東南至台州六百十二里西



南至處州松陽縣界一百五十里西北至睦州陸路一百六十里水路一百八十里西南至越州三百九十里

元豐九域志婺州晉武勝軍節度 輿地廣記婺州石晉升武勝軍節度 方輿勝覽婺州石晉時陞為武

勝軍 文獻通考婺州晉為武勝軍節度

睦 吳越 吳越 吳越 吳越

太平寰宇記州境東西三百九十里南北三百二十里東北至東京二十四百三十五里東北至西京二千八

百五十五里西北至長安三千九百一十五里東至杭州三百一十五里南至婺州陸路一百一十五里水路

一百八十里西至歙州三百六十三里北至杭州界二百七十里東北至婺州界一百八十里西南至衢州三

百一十里西北至歙州三百一十里東北至杭州三百一十里

秀 吳越 吳越 吳越

太平寰宇記州境東西三百一十八里南北九十一里圖經上未有至東西京及四至八到里數東至大海二

百一十里南至杭州硤石鎮爲界六十里西至杭州二  
百一十九里北至蘇州一百四十二里輿地廣記海  
鹽縣唐後屬秀州海鹽澈水志輿地廣記云秦置海  
鹽縣屬會稽郡吳越時分境於橋李橋李今屬嘉興縣  
界以此考之澈浦乃古越地石晉  
時吳越錢氏奏置秀州始隨分隸

五代史記卷第六十中